

道光肇慶府志

肇慶府志卷四

輿地 十二 關隘

肇慶府

當西江入廣州之要口北望頂湖萬仞峙其後南瞻銅鼓四  
埠列其前白沙岡驅羊於其左腐柯山卧虎於其後據三江  
之口制五州之要

大清一統志

肇當百粵衝厥屬州邑率民猺錯處據險弄兵黠鷲易叛

明倫

以諒嶺西兵巡道題名碑記

府帶山控江延袤數千里據廣州之上游當賀梧之津要漢  
武帝自巴蜀發夜郎兵下牂牁江會番禺卽今西江路也梁  
大同中交趾李賁作亂以楊驃爲交州刺史討之命定州

今梧

州刺史蕭勃會驃於西江蕭子顯曰西江川源深遠宋齊以

來皆別置督護揣征討之任陳霸先爲西江督護高要太守是也李吉甫曰端州當西江口入廣西要路國初廖永忠等奉命平廣西亦由肇慶沂西江而上抵梧州蓋郡爲兩粵之要膺東西有事此其必爭之所也

方輿紀要

肇郡地據上游右控蒼梧會三江之口制五州之要首治高要牂牁爲帶羚羊作峽新興萬山環峙洞口廻瀾陽江二廣之交瀕海設防屹爲重地陽春一江中貫羣溪交流山谷深奧向爲逋逃藪今坦易而通衢矣北爲廣寧縣兩粵關隘三面阻山全郡形勢惟陽江面巨溟餘或枕江或倚嶺星羅棋布望之交錯

郡志

肇慶衛在府治東明洪武初設守禦所二十二年改爲衛

大

清一統志

自德慶州上至都城爲上江下至楊柳埗爲下江凡二

百里隔岸爲江南明季羅旁未平江防最急萬厯中孫平以  
瀧水爲羅定州設東西兩縣舊所謂江南者屬東西兩山官  
兵戍守肇慶府屬則自楊柳埠上至賀縣江口爲上江下至  
郡城迨貝水青岐抵大路峽爲下江戍守則自雙梧雙魚石  
界起至都城巡簡司撥封川縣民壯弓兵守之都城至德慶  
州官軍守之德慶州至靖蠻營復自靖蠻營至新村驛北岸  
營兵分四哨守之北岸中軍營則把總駐劄以遙制各埠焉  
自新村驛至白沙上班軍及遊擊府右遊哨巡守自白沙至  
郡城及黃江墟羚羊峽遊擊府左遊哨巡守萬厯九年始設  
標下水哨把總二人二十七年又掣北岸營兵益之專用巡  
守峽下江以北曰峽口埠曰長利埠曰永安埠曰貝水埠凡  
四埠接青岐水口爲三水縣界江以南曰石排埠曰北港埠

曰長圳埠曰石洲埠曰白沙埠曰靈龜埠曰洲尾官渡埠凡  
七埠抵南海縣界此前代江防大畧也 國朝江界肅清鯨  
鯢歛跡東西河道專責水師先設參將一員統兵一千名專  
司巡守康熙八年裁兵五百名改爲城守右營上下水凡一  
十八汛

府志江防

### 高要縣

高要之東路通三水西德慶南東安北四會西南故忠獠東  
北患山寇東南海寇之患設巡簡司三

郡國利病書

青岐鎮元和郡縣志在縣東八十五里新志曰清岐鎮在縣  
九十里清岐水口接三水縣界 大江之北卽四會縣綏江  
在大沙分支南流二十里與大沙合舊名古武水自昔設隘  
屯兵爲用武之地今爲嶺南戈船哨埠界

吳志

貝水營在縣

東八十里貝水村又金鷄坪營在縣東南四十里霧徑營在縣西九十里苟徑營在縣西南一百里蔡徑營在縣西南一百十里俱明嘉靖中置又舊有白泥營在縣西一百三十里明宏治中置其南有雲初營正德中置今廢新志縣境又有祿步大湘新橋新莊白土蕉園水坑等營 林田山寨在縣西又大臺山寨在縣西一百里花頂山寨在縣東南皆搖寨也通志縣境搖寨凡九

大清一統志

橫槎巡司在縣東七十里

明景泰五年置崇正時革 本朝順治九年復置 祿步巡

司在縣西七十里明天順中置 本朝順治初移治於縣西

北八十里 大逕水哨去縣四十里梅子坑哨去縣十里寧

塘哨去縣六十里橫查哨去縣八十里

廣東輿圖

湘峽山府西

三十餘里高數十仞周八里羣峯列峙江居其中形似瀟湘

其東五里爲小湘峽宋皇祐四年儂智高犯端州州守丁寶臣曰若得兵數千人伏小湘峽扼至險以擊驕兵可必勝也卽此金州岡在府東南九十里高數十仞周數十丈屹立江流又十里爲羅鬱岡亦橫岨江面潦漲時漩渦頗險亦西江扞門也

方輿紀要

### 四會縣

四會之東路通清遠西懷集南高安北廣寧

郡國利病書

四會縣胥口一鎮

九域志

沙田營在縣東三十餘里又大坑

營大徑營在縣北五十里青草營在縣東北一百二十里俱明嘉靖中置又舊有鶴爪營在縣東五十里對岡營在縣東南十里永寧營在縣東南四十里馬頭營在縣東南五十里羅坑營在縣西南五里太平營黃桐營峽徑營黃沙營古竈

營皆在縣東北八里今俱廢 深坑山寨在縣北獠寨也通  
志縣東至三水縣界獠山三十一北至清遠縣界獠山十五  
西北至懷集縣界獠山十二 南津巡司在縣東南六十里  
明洪武初置在縣東四十里黃岡村十七年移治於此今因  
之東通三水南通府城北通南韶又金溪巡司在縣西北四  
十里明初置今裁大清一統志 豺嶺岡在縣西北十里嘉靖中  
鄉人立砦其上又縣北四十里有場岡天順中西寇流劫鄉  
人屯此爲禦方輿紀要 哨摘河岸在縣城外興賢仁愛都粵大

### 新興縣

新興東南一偏接壤新會高明恩平境界係四通之歧最難  
防守明姚舜牧設立樟村等營兵申文

新興距端江百餘里陸路崇山峻嶺密菁深林水路一線溪



河彎環曲折高雷廉瓊山海要區由新興河頭舍舟就陸地居扼要盜賊出沒境內之地南有裏洞東有白鳩山皆邊鄙遼遠壤接鄰縣山川險阻

縣志

新興所在縣治西明洪武二十三年建 白鳩營在縣東四十里雲禮村明嘉靖二十五年置又東營在縣東三里桐村通利營在縣東十二里布顛村高村營在縣東六十里高村平安岡營在縣東南八十里雙橋村石子營在縣東南九十里羊盤村俱嘉靖中置縣志縣東舊以馬嶺花石均爲汎地自明末割八開平則防險又在長岡古岡爲阜幕羅漢諸山寇犯境必由之路 本朝康熙八年嘗撥把總駐防白鳩山縣境以白鳩龍徑洞口三處水路爲最險要 茶岡營在縣南二十里何村明嘉靖四年置又裏岡營在縣西四十里伯

岡營在縣南七十里張公腦營在縣西南五十里俱嘉靖中置縣志縣南則甕洞磨石路通恩平瑯底及陽春東山向爲賊窟 本朝康熙五年八年兩次會剿始平因撥千總駐防龍徑宜於茨洞蕨菜之間設營與龍徑相犄角 下洋營在縣西爲二十四山要地明嘉靖中置藍坑營在縣西六十里萬厯二年增置天堂營在縣西南九十里崇正中增置縣志縣西北之扼塞天堂其總區也天堂之東北由雲稠至東安上下黃沙通小水其上黃沙過嶺卽布平通二十四山其北則那康嶺上風門坳由鴨關至富霖所通船蓬嶺賊巢出金鷄通分界其西北由冬瓜嶺至陽春石望白雲寨亦通分界其西則茅徑入菩提深圳賊巢至金坑山通高州廣西其南田第十營至陽春田頭白鳩洞徑塘面寨至白花塘賊巢其

東由長坑徑東安葉崗出廖坑通裏洞黃茅徑賊巢凡新會  
新寧馬岡諸賊俱由此路或由員嶺至白花塘今菩提深圳  
等處防禦爲最切又縣西有白馬廟牛牯沙皆有塘兵防守  
茅田在縣東北十五里明萬厯中增置又良崗營在縣西  
北三十里明嘉靖三十一年賊首梁幸直等據此爲巢隆慶  
六年剿平之因立營縣志縣北白河頭而下抵新江往往有  
剽賊竊發宜於洞口立營以防剿掠自洞口而下四十里爲  
茅田其地陸路通老香山水路直抵肇慶亦宜立營以防  
本朝康熙九年添設洞口塘兵十年城守柯正圖申言新興  
爲衝繁之地東路白鳩山布辰嶺界於高明老香山南路員  
嶺蠻洞裏洞龍徑等處隘連開恩陽春諸縣大山西則天堂  
冬瓜那康貓爪等嶺路接陽春東山北路茅田徑通高明降

底諸處皆懸巖峻嶺林密箐深防守宜嚴 黃三坑寨在縣  
西搖寨也通至新興東至蒼步水界搖山四東南至獨鶴驛  
界搖山七南至陽春界搖山四西南至冬瓜嶺搖山一西至  
瀧水界搖山二十八西北至德慶界搖山七北至橫茶橋界  
搖山三而黃三坑鐵場石人背等巢皆在縣西南境尤爲險  
惡明嘉靖三十七年督臣王鈞以德慶瀧水陽春高要高明  
新興恩平連界黃三坑鐵場石人背山棗坪諸山賊巢盤據  
萬山中巖谷險峻林箐叢密賊首盤永賢等恃險肆惡乃議  
征剿一軍由瀧水紅沙田登陸進剿山棗坪等巢一軍由高  
要南岸登陸進巢鐵場諸巢一軍亦由南岸登陸進剿石人  
背諸巢賊大窘奔集雲浮山復進破之雲浮山在東安縣界  
立將巡司在縣西南八十里明洪武元年置今移天堂又舊

有綠綠巡司在縣南三十里亦洪武初置尋革大清一統志 甕

裏二崗山高路險盜賊竊發聚眾數千旁掠新興高明東安

陽春諸村落 風門均在縣南五十里爲裏崗出入要路

大塘均在縣東南四十里雙石頂立一方險要 猫爪嶺在

縣南五十里險要宣防 沙廊嶺在縣東六十里一方險要

布辰嶺在縣東四十里路通高明境當險要下設有汛

馬猴嶺在縣東五十里界枕高明廣澤深林爲盜賊出沒之

要最宜防範 冬瓜山在縣西寧化都高三百餘仞路通陽

春羅定東安爲寇盜往來形如冬瓜故名縣志 贅崗山高百

餘仞周五十里其間千巖萬壑深杳莫測猺人踞險爲巢

左隍山在縣西七里高三十餘仞周三十餘里環遠縣右

雲宿山在縣東八十里高百餘仞周百四十餘里猺賊黨結

巢於此一名雲岫山成化初按察副使毛古追賊於此遇害

方輿紀要

王高尖山在縣南五十里高百餘丈南屬陽春北屬

新興為兩邑險要

廣東輿圖

峽岡在縣北一里此山突起水濱

作邑捍門巨福山與峽山對峙上有真武廟正冠亭為縣北

鎮

縣志

### 陽春縣

陽春縣古春州環山遶林襟巖帶洞猺氓錯落劍犢集處斯

險枳區也

明王仰重建陽春縣堂彙記

粵東之洞穴端州為甚端州又以陽春為最陽春界東西兩

山之中巢叢穴谷鳥道雲窩獐獠雜處往往不法之徒潛匿

窠穴根連朋儕藉獠以棲身獠亦資之為鄉導狼狽為奸

縣志

陽春所在縣治東明洪武三十一年建守鎮所隸高州府

神電衛

狼營在縣西八十里明正德中山猺猖獗知縣黃

寬招廣西狼兵二百餘家分三營屯守又鳳凰營在縣西南

九十里灣口營在縣西北六十里關鴨營在縣西北一百里

巖面營在縣西北一百五十里牛厄營在縣北一百二十里

俱明嘉靖中立防隴水四賀新興黃三坑恩平君子山等猺

上下魚跳寨在縣東北一百五十里按新興縣藍坑營界

明萬厯中添設舊志又有高岡寨在縣北二十五里石壁寨

在縣北四十里

大清一統志

康熙三年東山賊首伍振黃廷選

等平後設曹洞一營瓦盎一營茶園一營把總一員共統官

兵八十名鎮守而恩開各縣流寇遂不敢入據東山民賴以

安當永設勿廢焉

乾隆三年春江右哨二司把總李國華

呈稱汎屬之荆山逕距汎窩遠密莽深等綿亘數十餘里並

無人烟居住議於逕中添設一汛撥兵一十一名駐守可以  
衛民弭奸隨准春江協鎮左營守備楊履稱誠屬遠近得宜  
往來便捷易於呼應 乾隆三十一年二月將典史現管之  
坪坦堡古良司現管之上河上堡就近改歸黃泥灣司管轄  
又將古良司現管之上河下堡下河上堡扶民堡岡尾黎堡  
李堡均就近改歸典史管轄縣志 古良鎮巡司在縣西二十  
里洪武元年置建文四年裁永樂元年復置今因之又思良  
鎮巡司明置後裁 黃泥灣巡司在陽春縣雍正十二年巡  
撫楊永賦奏設大清一統志 陽春東南路通陽江西東安北新  
興昔最患寇設古良巡簡司其營砦軍門志有北寨徑蕉林  
徑俱西南界曹崗徑開白水徑開蟠龍徑開俱東北界郡國利病

善 皆有鄉兵戍守

大清一統志

輿地

關隘

八



陽江縣

陽江東通恩平西電白北陽春南大海山海寇並為患舊設

海陵巡簡今革

郡國利病書

海陵鎮縣西南七十里海陵山西北有巡司

國初設

方輿紀要

陽江所在縣治東洪武元年建

雙魚所

詳見海防

永安營在

縣東八十里又馬牯徑營在縣東九十里俱明嘉靖七年置

防新寧白水山賊又麻思營在縣西一百一十里明宏治十

年置防陽春樂安等山賊又高嶺營在縣西五十里嘉靖三

十九年置又縣南濱海設有砲臺防禦凡四北額砲臺本

朝康熙十年建北津城港口砲臺明萬曆十四年建海陵戩

船澳砲臺

本朝康熙五十八年建又石覺砲臺康熙三年

建今皆城守撥兵分防

大清一統志

廣東圖說有長亭營去縣

五里歸善營去縣十里黃桐營去縣二十里那凋營去縣二

十里獨石營去縣三十里望牛營去縣四十里尖岡營去縣

四十里

按海防圖尖岡接電白

登觀營去縣五十五里

按海防圖

登觀連尖岡此云四十里誤

漂竹營去縣六十里

按海防圖漂竹接登田

觀此云六十里誤

寮營去縣五十里樂安營去縣六十里高嶺去縣六十里山

口營去縣七十五里平望營去縣八十里望斗營去縣八十

五里六墟營去縣一百二十里

按海防圖六墟連平鐵爐頭

砦去縣二里撫民許恩安插於此今部署恩平營左哨六隊

守平望堆錢嶺樂安蚰蛇窟橋黃桐歸善六營其三隊守恩

平縣城後哨六隊守黃竹橋山口田寮憑村那凋長亭六營

其三營守恩平木梗水邊蒔那龍營中哨六隊守陽江縣城

其三隊守恩平城

鄧國利

北津寨

大清一統志詳見海防

那烏山

砦在縣東那烏山上嶠砦也志云縣嶠砦九十有三方輿紀要

縣東北有蓮塘堡西有太平堡俱嘉靖間築明史地理志連塘

堡在縣東北六十里明洪武初置蓮塘驛嘉靖三十三年僉

事林應奎築堡城周三百十八丈防陽春恩平大山狼賊太

平堡在縣西一百十里丹成墟宋置大墟站本在縣西七十

里明洪武中改置為太平驛十二年移此嘉靖四十五年築

堡城周三百六丈海陵巡司志詳見海防縣志有三

鄧徑蟠龍徑雨霖山珠環嶺北寨徑上下瀧麻瀝徑雲霄徑

洞油園楊村徑縣志云東白那柳至縣九十里兵營非一而

兵營非一而仰岡營為要害往守以軍壯打手鄉夫所官領

之今十里一營與舖參列守以營兵領以哨官倘有他虞諒

能相助郡那龍山在城東北八十里界連恩平設把總

一員守此

斜嶺山在城東九十里那柳舖東九里界險惡

易藏盜正德九年御史高公韶改路避險就夷人以爲便  
縣西有鷄籠山舊常調神電衛軍駐守北甘山縣北二十  
里上有獠寨少東爲鳳凰山其北爲石龍塹崗諸山其南爲  
隋崗翼崗官山諸山延綿環遶羣峯錯居周百餘里縣東  
北馬啣山而北爲合溝合門秀石三龍諸山皆山獠盤踞處  
也

方輿  
紀要

### 高明縣

高明縣距府治百里許東濱南海西接新興南鄰新會其地  
舊屬高要縣在永樂宣德間草寇頻發至天順初廣西流寇  
刼掠村落成化乙未時耆民麥茂等言於掌府事參政黃瑜  
議割上蒼二十四都三十八圖宜設縣治以防患衛民巡撫  
都憲吳公琛集衆議聞於上制可之瑜乃視青玉岡之地高

準爽塏定縣治於茲

明江朝宗建縣治記

自庾嶺南下西折數百里分八高明境山林險阻則南有赤

木赤脉藥逕延接鶴山西有天下風凹石船徑控扼新興北

有錢窟古道官徑津通高要諸處上下山陂號稱要隘高明

形勝大畧備矣

縣志

沱柳鎮拔村鎮澤河鎮平塘鎮舊宅鎮

平嶺鎮白灌鎮禾倉頭鎮並頭鎮蓮塘鎮員岡鎮大募鎮城

冊鎮百竹山鎮龔村鎮黎坑鎮塘壯鎮溫水鎮停步鎮塘口

鎮大楠鎮清泰上鎮太村鎮獨岡鎮岑水鎮清泰下鎮山村

鎮鐵頭岡鎮蓮邊鎮茶田鎮以上諸鎮有警皆鄉夫自守

國郡

利病書

三洲營在縣東少南三十里田心都

本朝康熙七年

設移新會縣金岡墟兵防守

一統志

乾隆四十四年五月建

創營房撥外委一員駐防

縣志

長岡營在縣西七十里

清一大

統志

高村布社布社都地方粵大

劬塘營在縣西五十里

一統志

在馬鞍都界近新興康熙二十六年改為吉田營邑

城守分兵防禦康熙五十八年又以此地要害復改為白垌

汛撥督標中營千把總官一員駐防縣志

長圳營在縣治北

五十里羅格阮埔二甲扶麗蘇塘等村近大江嘉靖二十六

年設打手駕船千中圉石子洲等處防禦盜賊粵大

今廢大

清一統志

古道徑營在縣北接高要縣界志云縣南三十里有

赤水徑營藥逕營俱嘉靖三十四年設又鷄籠營在赤藥二

徑之間萬厯十一年設赤麻徑營在縣東南二十里為新會

往來門戶紀要

今並廢

都含海口營在縣東四十里清溪

都近南海新會順德諸縣海面界明嘉靖二十三年設本

朝康熙二十四年撥總督水師營千總分番值守

山臺營

在縣西南五十里嘉靖中設

大清一統志

道通新興開平恩平明

移太平巡司於此萬厯十年遷司於海口

國朝康熙六年

分城守官兵駐防

縣志

城村砦田村砦良村砦布練砦黃村

砦歌落砦潮泊砦逕村砦筋潮砦新村砦平山砦未塘砦平

步砦小崗砦雲良砦村岡砦倫埔砦沉湑砦宋坑砦花州營

砦步州砦以上諸砦有警皆鄉夫自守

郡國利病書

三洲巡司

在高明縣明洪武初置高明巡司成化中改司置縣因遷於

縣東北一里太平都改曰太平司嘉靖時屢遷萬厯中遷縣

東三十五里海濱後署廢僦居縣城內

本朝雍正九年改

今名

大清一統志

風凹徑在縣南三十五里太下徑在縣西三

十五里石船徑在縣西南七十里近麥阪村當新興盜賊往

來之路又錢窟徑在縣西七十里官徑在縣北五里以上諸

徑皆有官兵戍守

謹按縣志尚有險徑云舊志不載通志府志俱有之

表山在縣西

二十里稍內有蟾蜍徑舊爲官軍防守處

方輿紀要

### 恩平縣

恩平堡在陽江水東郡要險地南通陽江北通新興東接新會三塗往來應合開設縣治屬肇慶管轄實爲利便正統間鎮守內官阮能因徭朝貢官索方物於是寇賊四起隆萬之際攻掠尤甚水道則羅旁上下二百餘里陸則二十四山及獨鶴恩平蓮塘樂安峰屯蟻聚民不聊生都御史殷正茂請於朝凌雲翼繼之犁其巢穴立二縣一州一道亂乃定今則徭民帖順極矣命之塞徑則塞徑命之擊賊則擊賊是始之兵以防徭者今則徭卽我兵也

縣志

新寧有三賊巢曰懷寧曰苦村曰馬騮坑界會寧新恩之間



距恩最近故恩之被禍亦最酷其地東道藤岡狗逕西有十三村大湓爲之屏蔽兵備李公材破三巢剿十三村諸盜悉平立屯耕守

明梁爲棟記平寇事

馬岡營在縣東北八十里嘉靖十三年設蠟逕營在縣東北二十里嘉靖十四年設樓逕營在縣北九十里嘉靖二十五年設防鴻嘴諸山之賊今爲豐建屯邑志樓逕東至蒼步通水洞賊巢北至九嶺通老熊石賊巢九嶺至陳坑接新興界飛鼠窟通黃三坑賊巢東北至獨鶴驛由驛西通西坑員嶺賊路又西爲新興大河界東通立逕蠶蛾嶺新興相思圍界賊路最爲險要又祠堂營在縣北五十里嘉靖十一年設防化眼潭諸山賊火尖騰營在縣西南三十里嘉靖十一年設志云縣北二十里有蓮塘頭營縣東三十里有烏茭塘營

截籬子巡要路俱嘉靖三十五年設有白蒙巡營在縣東南

四十里今爲白蒙屯邑界東通白麻巡懷寧營南通灣雷巡

至海西南通陽江那龍村北通那虔上洞諸徭路

方輿紀要

明嘉

靖中設營萬厯初兵備李材築城以拒陽江灣雷那虔上下

洞之要

大清一統志

鴻嘴山營在縣西北百里嘉靖十九年設

長沙營在縣東百二十里入新會界

方輿紀要

恩平東路通新

會西通二陽南陽江北新興舊盜之衝設恩平巡簡司其營

砦軍門志有塘宅堡獨鶴營

去縣一百里

今部署恩平營左哨三

隊守恩平縣城其六隊守陽江六營右哨九隊分布於田心

鷄啼牛牯凸樓巡簸箕田獨鶴慈雲木檔稔村九營中哨三

隊守恩平縣城其六隊守陽江縣城前哨九隊分布於瀾石

官來巡廟子水浪珂水甕四牛屎石井潭流水大湓九營後

哨三隊守木梗水邊萌那龍三營其六隊守陽江六營

郡國利病

書大人山寨在恩平縣西三十里徭寨也通志縣境徭山凡

七大清一統志塘宅堡縣東北百里於嘉靖十三年設三十六

年於縣治西南移廣肇高韶叅將駐於此萬厯三年改築開

平屯廢堡入焉方輿紀要明應順後左叅將駐塘宅堡疏

未易得至故在肇慶則不能顧雷廉在雷廉則不能顧高肇

南海右叅將以陵崖頗窄移居瓊州府與雷州僅隔一海直

將兼管而合左叅將兼管廣韶諸處益新會新寧之賊既與

嶺西恩興諸賊相接連州陽山英德清遠之賊又與嶺西四

會諸賊相連而肇慶去清遠英德諸處道里亦近偶管策應其勢自易

里明隆慶中恩平會寧界中懷寧苦村三巢賊刦掠恩平及

陽江勢甚猖獗兵備道李材分軍一由赤水口一由白蒙徑

出其不意大破之材以縣東十三材與三巢實相羽翼因悉

誅之而立永安永鎮武定大澁滸村鎮戎豐建鎮平等共二

十屯募兵耕守

大清一統志

鎮安屯嘉靖二十九年設在縣東

南六十里

武定屯縣東南六十里本新寧縣界苔村賊巢

隆慶五年立屯萬厯二年建城又永鎮屯在縣東南五十里

十五村橫山賊巢也隆慶五年改八屯其地八新會界與縣

北鞏靖諸屯縣南白蒙諸屯為二十

方輿紀要

蒼步在縣東北

一百一十里東至豪坪營新會界南至合水嘴北獵山馬驢

砦越此為清寧界西通鴻嘴山北至那假關東至枕頭賊營

今為開平屯

和國利病書

明姚舜牧馬鞍凹等處添兵議

控制四境首則莫如今議建縣處所曰蒼步者矣無已則立

小營乎細查新與界連新會恩平高明境界大抵通在雙橋

一部自洗田至白水帶三十里自鄭村至冷水迤二十里接

連白水地方此地最為遼曠并鄭村至恩平塘馬鞍凹十里

雙橋村東村振恩平蒼步十餘里又白鵝山外有恩平齊洞

白村間截其間方至木縣掩村樟村書臺硯嶺等小村僻在

金髮子山

卷四

輿地

隆慶

十四

一隅其運路一日九曲嶺一日蠟運一日蠶蠟運皆通馬岡約三十里正與新會接壤馬岡至蒼步約十餘里馬岡其總名耳一望鄉村甚多奸究不測且運路一帶皆重岡疊嶂有無人踪故此輩得以聚散自由先年地方擾亂冷水運設有石子營白鳩山口有白鳩營扼村有蘆利營營東路霸塘有北洞營南路大河口有茶光營裏洞有裏洞營西北有東山斜洞青石下洋等營迨羅旁大舉本縣尙存兵五百名分營哨守繼而地方稍靖東安初建暫掣此兵移守其地名爲善後遷年起餉一千百九兩一錢四分零解府接支今東安建設已定兵力足支可以移還本縣矣相地險要遷於樟村立一營冷水運立一營各兵三十人馬鞍凹立一營白鳩山立一營各兵二十人再照南路裏洞甕洞席石廣菜等村附近新會陽春恩平仕洞都牛路坑等處亦爲盜賊往來之衝請立一營用兵二十人此兵共一百二十人通請於東安調還本縣或扣善後餉銀還縣待本縣自行召募離子運縣東南二則一轉移間而兵與餉皆所不必議者

十里東通十三村達蜆岡又塞喉運於縣東北七十里又十里爲羊徑又十里爲大運俱接新會界十二運在縣西南又西南爲猶石運皆通陽春陽江盜賊出沒處瓦港運在縣西五十里又雙穴運在縣西北四十里又五里爲清油運又西

北十五里爲老鴉灘皆當陽春新興盜賊出沒之道志云縣北六十里有黃竹逕又北十里爲鎮戎屯舊爲戍守要地又縣界有石井等營十有九皆有戍兵藍坑山縣東南三十里巖壑深杳林木叢生舊爲盜藪又東南爲石逕山昔時十三村盜藪也成化以來皆爲樂土鼓角樓山縣西北七十里其後爲鴻嘴山綿延險峻且數十里舊爲賊壘嘉靖三十五年督臣譚愷討獠賊卽山旁諸獠砦也大露山在縣北八十里相近有雲洞山亦名雲岫山舊有雲岫營亦接新興界嘉靖三十五年征良塘巢卽此山也又縣東北有獵山險峻有獠砦獵一作臘方輿紀要

### 廣寧縣

府西北二百九十里本四會縣地嘉靖三十七年平大羅山

廣寧府志卷四  
賊區析置方輿紀要

廣寧所在城內明置花山營在縣西北一百二十里明嘉靖三十九年置防守顧水一帶營後俱是獠獍外接懷集縣界孤絕無人烟企岡營在縣北一百八十里明嘉靖三十九年置東南有獠至清遠石坎洞地最險要又黃桐營在縣北峽逕營在縣東北古竈營在縣東南皆嘉靖中置黃沙營在縣東北一百二十里明嘉靖十二年置一名南綏營當大羅山之襟喉各洞賊出入由此大清一統志四十里至扶溪崗得勝營去縣二百里縣志分守森崗北路二十里接連懷集務本寧崗并開建水細龍塘金鵝等巢南十里德慶州界東北鷹崗山獠病書明萬厯年設大清一統志廣寧之東路通清遠西通懷集南四會北連山設扶溪巡簡司縣志中軍

營在演武場前山征大羅山時營名官塢水哨知縣羅彥霄  
請設每月輪營兵八人詰奸人私鹽縣巡捕官領之廣東國  
說黃沙營企岡營花山營得勝營塘角砦逍遙砦扶溪砦今  
部署哨官領兵一百七十九人分布於黃沙企岡得勝花山  
四營又分水哨三以六十里爲一哨自東鄉水口至官塢又  
自官塢至扶羅又自扶羅至程村凡三哨於四哨抽兵二十  
四人每哨八人駕船一往來巡守郡國利病書銀坑坪山在縣  
東北六十里山險僻舊爲賊巢又東二十里爲烏坭坑山路  
通清遠頗險峻志云縣東北百里曰梅崗山亦賊巢也相近  
者曰葵崗山設縣後皆爲樂土花山縣西北八十里昔時  
猶賊險巢也今有營兵又西北二十里爲赤坑山道出懷集  
舊爲盜賊淵藪今爲往來通道石燕山在縣東一百二十



里其東麓爲龍岡蜿蜒數十里接清遠之大羅山昔爲盜賊盤踞嘉靖三十六年討平 森崗山在縣東百里山崗巖險林木森秀其相近者曰鷹崗山皆徭賊淵藪今平

方輿紀要

### 開平縣

開平山海交隘水陸隘阻西北當高明新興之衝東南界新會新寧之要北有雲宿阜幕之阻東有馬山獅子之限西有羅漢獨鶴之奇南有交羅潭江之險誠爲四塞之地易以藏奸

縣志

開平縣治昔爲蒼步村與高興恩會四邑相接居崇山邃谷之中東開一面遙控滄海形勝最爲雄壯土寇所爲憑恃險阻嘯聚陸梁也明萬厯元年兵備道李材平之因村置屯曰開平屯設兵守禦迨至明季盜復蠭起 國朝析三邑之地

改屯爲縣設兩巡檢而分理焉古博平康登民等都則沙岡  
司統之得行長靜雙橋等都則松柏司統之同上長沙營在

縣東南三十里臨河接新寧縣界明嘉靖三十二年置防北

獵山船金坑雷公巖等賊尋廢本朝康熙十一年復置又

舊有五坑徑營在縣東登高都近梁金山徑道多歧前通新

寧後出領西最爲要害明成化中陶魯置防甜水坑良金雲

永三山賊東攝新會良村等營尋廢嘉靖中賊每由此屯剽

乃復立營復以地險兵逃遂廢名其地曰鬼子窟大清一統志

金剛山西北有石洞曰金山巖深廣皆二丈巖頂飛瀑如練

有盤石可坐數十人舊爲鄉人遊賞之處今爲盜藪俗呼鬼

子窟方輿紀要蜺岡營在縣南三十五里赤水口後遷於蜺岡

爲山冠出沒要路相近有濠坪營樟村營在縣西明崇正

中置西北去新興八十里新興縣志縣東有四險一曰樟村  
爲新興高要高明寇盜往來之衝路村南有三徑曰九曲曰  
蜡徑曰蠶蛾三徑之外爲馬岡一帶東連新會新寧爲盜賊  
淵藪一曰花石坳一望荒岡徑十餘里南有水臺村馬岡之  
水盡匯於此可通舟楫寧會之盜每由此以往來高明一曰  
馬喉西去新興一百二十里凡寧會白水鄉馬岡等賊路由  
康田十里至馬喉社村以西四會以東俱隔七百里賊由此  
入高明一曰冷水營在縣東北古博都明萬厯二年置爲寧  
會山行必由之路羅村龍馬白水鄉一帶俱爲盜藪雙橋一  
都與爲隔鄰最宜防禦 羊盤在縣北四十里近阜幕土賊  
往來要路明末置後廢 本朝復設把總把守又有白墳營  
亦在阜幕山下 開平屯塘宅堡羊盤營長沙營蜆岡營皆

要地也

縣志

沙岡巡司在縣東南三十五里明洪武三年置

在縣西南余村本名樂里寨二十七年移此今因之

松柏

巡司在縣東南柏山下明洪武二年置今因之又舊有四合

巡司在縣北四合村亦明初置萬厯九年革

獨鶴驛在縣

西四十里西北去新興十里明洪武初置

大清

隆慶四年

建石城戍守

方輿紀要

今裁

大清一統志

### 鶴山縣

新會境連開平有山曰崑崙曰阜幕峻壁淵窟綿亘數百丈

外逼於海間無居人巢潛剽掠之徒出沒黃昏暮夜間商賈

困獎村庄怖恐制府鄂公撫軍楊公割兩邑交壤之地創縣

山間以請

賜名鶴山

黃大鵬建  
鶴山縣記

卷四

輿地

關隘

十八

大城山與大鴈山相隔十里形如城垣為縣東保障縣志利

運營在西北方輿紀要古勞都近蓮塘等十二村有崑崙阜幕

二山通高明新興山嶺險阻多賊郡國利病書藥運巡司在縣

西北曹幕山北明洪武二年置舊在古勞都今徙於坡亭村

大清一統志

德慶州

州據嶺西之上游扼廣右之門戶邕桂賀三江州實綰其口

山川雄固誠鎖鑰要地也方輿紀要

羅旁上下江道為兩省咽喉猪人沿江剽掠而下兩江為甚

行旅阻塞竊以為猪所恃者兩江茂林潛伏伺刦今為督兵

沿岸開山伐木且耕且守制其出沒此不治之治也於是南

江口下至絳水一百二十里間各闢地深八十里立營十營

兵各百或二百戍之州志第一關在州西三里演武場德

慶所在州治東明洪武九年建水碓營在州東五十里明

嘉靖三十四年置府志山東有二十二營皆在大江北岸分

水路五哨以防西山諸徭其在江南岸者皆分屬羅定州通

志羅旁上下江兩省咽喉數苦徭賊嘉靖四十四年都御史

吳桂芳奏請自南江口至新村絳水口凡一百二十里沿江

岸開山伐木闢地八十里爲十營江道始清中軍營在州

西二里一名教場營明嘉靖三十六年置又西灣營在州西

十里明正德五年置平封營在州西八十里相近有大塘營

又西十里有麻灣營俱嘉靖時置白沙山寨在州東北徭

寨也州志州境徭山五十有四大清一統志謹案方輿

界諸徭山凡三十有七與一統志異冷水埠在州西三十

里北岸近大江

郡國利

沿頭埠在州治西北八十五里綠

水埠在州治西六十里大小淵埠在州治東三十里野芋埠

在州治西五十里龍口埠在州治東四十里辣頭埠在州治

東四十里下埔埠在州治東四十五里思麻埠在州治東十

五里蓬遠埠在州治東五十五里媳婦頂埠在州治東六十

里絳水埠在州治東七十五里悅城鄉大力埠在州治西北

十里南岸大力水口

謹按廣東圖說有冷水埠無大力埠

大塘埠在州治東六

十五里蓮湖埠在州治東八十里已上十四埠俱在大江北

岸皆正德五年設防南山賊 新安堡在州治南二百二十

里南鄉白馬堡在州南一百八十里南鄉儒林里俱正德五

年設

粵大

悅城巡司在州東卽悅城廢縣州志明洪武四

年置於靈溪水口去州一百里東至高要縣祿步司六十里

嘉靖三十一年以猺亂築城周二百三十三丈明末城廢

本朝康熙十一年巡司權治於播植埠大清一統志新村驛悅

城巡司並建背山面水其南則叢林荔蔚而絳水惡猺所穴

比之羅旁綠水爲甚明黃佐沿江新城記雙鶴嶺在城東北一百三

十里高六百餘丈周八十里高要八德慶北鄉必經之路崎

嶇險峻行者備登陟之苦凡上下嶺防虎及盜志州黎水山

在州東南二十里高二十餘丈周三十里其相近爲狼嶺周

七十里形勢險惡上多豺狼有徑通封川縣白馬山在州

北百里與麒麟山對峙周五十里石坡甚長飛泉如線正德

中獐巢其上參議周用等平之改名曰白鶴山相近有老鴉

逕深山大箐天日罕見又州北百三十里有留連山重巒疊

岫蹊徑深箐有林泉巖石之勝或作連山其相近者有螺髻

章曼符志卷四輿地關隘二十一



巖石門暗狹中忽明敞容數十人有一夫當徑萬夫莫前之

險方輿紀要

### 封川縣

肇慶當兩廣之衝而封川居郡之上流方永樂宣德之盛邊

夷不作居民安堵固無俟乎城守也近年西境之夷竊發延

蔓西東相煽不靖封川握其往來必繇之路

明邱濬封川縣脩城記

西嶺上流是唯封邑江山明麗林壑鬱葱森若畫圖居然天

險

明方尚祖重  
建縣門樓記

邑之西十里許有大村墟曰江口相傳爲舊

縣治云受西粵灘鬱黔賀諸水卽漢馳義侯檄夜郎兵下牂

牁會路伏波出番禺及僞漢劉蕡命蘇章沉鐵纆敗楚軍處

也

重建龍頭  
廟碑記

本縣僻處一隅控山帶谿編圖惟文德二圖

爲衆居民所恃以爲屏蔽舉縣所恃以爲楨幹也

岑一麟  
地方議

羅旁東界新興南連陽春西抵鬱林岑溪北盡長江與德慶  
封川僅隔一水延袤千里萬山聯絡皆徭盤據其間租賦不  
入生齒日繁蠶食旁近諸村州縣租賦因而益縮性頑犢嗜  
殺多伏莽弩以急榜橫江中奪舟越貨卽制帥大吏過之不  
爲憚又多萃四方亡命名曰浪賊爲之羽翼嘗曰官有萬兵  
我有萬山兵來我去兵去我還其狡悍如此總督凌雲翼平  
之乃析德慶晉康鄉高要縣楊柳都騎思勞思辦四都新興  
芙蓉一二圖并瀧水所屬設東安縣南鄉富林二所德慶都  
城鄉并瀧水所屬設西寧縣及涵口封門二所陞瀧水縣爲  
羅定州統二縣是後地方始得安堵而脩泰二鄉保生樂業  
焉縣志扶賴營在縣東二十里江北岸相近有都樂營明隆  
慶五年建又待村營在縣東南十里蟠龍營在縣東南二十

里下塔營在縣東南三十里俱在江南岸古都樂營在坊場

鄉都樂村明隆慶三年盟

大清一統志

封川舊志有羅崗營在

脩泰鄉縣志有廸田營在文德鄉廸田村前臨賀江西河營  
在文德鄉西河村前臨賀江一營廣西賊出入襟喉有警則  
糾兵防禦無警撤備菊花營在脩泰鄉菊花嶺原羅旁越刼  
要路羅黑逕在德寧鄉要路有警防守猿嶺逕在文德鄉通  
歸仁鄉要路有逕植柵防守今部署哨官守南龍鑼鼓等營  
船艇各二巡守蒼梧雙魚界至德慶都城界

郡國利病書

大崗

寨在縣東德寧鄉相近有平城寨又有下營鳳樓龍田觀地  
力宅水斗大樂大洋岡八寨皆在縣東北歸仁鄉西村黃塘  
戴村下符百家廸田羅源蛟龍八寨皆在縣北文德鄉明嘉  
靖中猛亂各鄉居民磚砌繚垣以自防守

石硯山寨在縣

北徭寨也 文德巡司在縣北七十里文德鄉元至正中置於縣西大洲口明嘉靖二十四年移此築城周五十餘丈今因之又大浩巡司在縣東北歸仁鄉元至正末置明洪武十

五年裁

大清一統志

三了巡在北二十里續嶺下相近有歸彪巡又相思巡在相思山下又縣北四十里有存塘巡長二三里林木陰翳烏漆巡在縣東北七十里長二三里崇岡疊嶺起伏盤曲相近者爲攬巡喬木森密猿猴聚居又縣東北有多蓬等巡舊皆有兵戍守

方輿紀要

封頂山距江多崇嶺嵌巖少平原長隴開鄉五畫里爲九東距晉康長蓉村西距蒼梧思念村南界本州

尚心村北界開建范洞村外接都城則西寧地北至界首則蒼梧地東北跨歸仁爲德慶之西境西北跨文德爲懷集之

東境洵廣東之地肺揜西粵之江咽也

縣志

雲巖在縣北九

十里中容三百人

大清一統志

居民常避兵於此

方輿紀要

### 開建縣

古今鎮縣北五十里其地有古今山黃沙嶺洪武初設巡司

於此萬曆六年徙於縣東北之禰村十四年剿平黃沙等賊

復還舊所

方輿紀要

大灘營在縣西南七十里接封川縣界封

溪水所經

本朝康熙二年置

莫羅營在縣東北一百里

接懷集縣界近連州八排峯山

本朝康熙九年置

大清一統志

開建之東路通懷集西蒼梧北賀縣南封川設古今巡司

其營若軍門志有會珠營在縣北六十里四都防懷集金鵝

松柏南水上帥下帥諸山賊萬保營在縣北四十里四都防

賀縣深埔懷集牛欄羊橋銅鐘古城諸山賊獨住營在縣北

三十里三都防賀縣深埔寨山企礪磨刀田源諸山賊舊志  
有潭霜營在縣北六十里四都縣志有教場營白蓮營在縣  
北七十里四都何不迺大灣營在縣北七十里四都總旗營  
在縣北六十里四都舊東營在縣北六十里今廢鎗杆烽墩  
在白蓮營外十里廣東圖說有龍堂中軍營飯包即舊營獨  
樹即獨營小水營今部署哨官守白蓮教場總旗獨住大灣  
潭霜營焉郡國利九源山寨在縣東北猺寨也通志縣境  
猺山凡三十有七大清

附舊志險要

高要東通三水西德慶南東安北四會西南患猺寇東南患  
山寇東北患海寇設巡檢三古耶司祿步司橫查司

金雞坪營

在溫贊都雲嶺山去縣四  
十里近高明縣九曲徑

貝水營

在縣東八  
十里貝水

大運水哨在縣西九 寧塘在縣西

哨在縣六 梅子坑哨在縣八 橫查哨在縣八 貝水

哨在縣八 青岐哨在縣九

四會東通清遠西通懷集南高要北廣寧設巡檢二今存一

南津司

大坑營在縣東 大逕營在縣東 青草營在縣東 鶴

爪營在縣東 沙田營在縣東 截捕營在縣東

河岸哨在縣東 新興東通恩平西北通東安南陽春北高要舊為獠狼賊藪

設巡檢三今存一立將司

東營在縣東 西營在縣西 通利營在縣東

白鳩營在縣東 高村營在縣東 蘆村營在縣東

里雲禮村

里十 **平安岡營** 在縣東南八十里 **石子營** 在縣東南九

**張公腦營** 在縣西南五里 **第八營** 在縣西南七里 **茶岡營**

在縣南二里 **裏洞營** 在縣南四十里 **良崗營** 在縣西北

十里何村 **下洋營** 在縣西二十里四山要地舊志設有鄉夫每

村與山口二五八日從新興山口護至全山河頭護陸路商人至新

九日護往來商船量取牛羊及商船錢以充糧食 **伯**

**崗營** 在縣南七十 **下甲巢** 去縣三十里舊 **灣口營** 在

西六十里順陽都嘉靖十 **鳳凰營** 在縣西南九十里太

二年征西山屯為左軍 **狼營** 在城西八十里太平都明正德間龐阿羅

為右軍 **招廣西復兵二百** **上下魚跳砦** 去縣一百

餘系耕守故名 **陽江東通恩平西電白北陽春南大海山海寇並為患設海**

**陵巡檢司** **永安營** 在縣東南八十里喬馬都黃 **馬牯巡營** 在縣東



北嶺都防新寧

麻思營

在縣西一百一十里虔儒都防

白木等山賊

蓮塘堡

在縣西六十里陽春

嶺營

在縣西七十

二邨

蟠龍

珠環

嶺北寨

上下瀧

麻瀝

雲霄

桐油圍

榻村

縣志云東自那柳至縣九十里營砦非一而永安

軍壯打手鄉夫所官守之

長亭營

去縣五里皆恩

場營

去縣

歸善營

去縣

黃桐營

去縣

那洞營

主

二十

獨石營

去縣

望牛營

去縣

尖岡營

去縣

里挨海防圖尖岡接電

登觀營

去縣五十五里按海防

十五

漂竹營

去縣六十里按海防圖漂

田寮營

去縣

里

樂安營

去縣

高嶺營

去縣七十里

山口營

去縣

七十

平望營

去縣

望斗營

去縣

麻思營

去縣

里一十 **大墟營** 去縣一百二十里按海防圖大 **鐵爐頭**

**砦** 去縣三里明季撫民安插於此

**按舊志**陽江所六白沙北津南落那貢南津黃村海  
葫所六那蘇平山三丫北環澳仔東稔雙魚所四石  
門將軍帽白沙施村於海葫之大王廟雙魚之南尾  
山設銃臺二座為烽堠

**高明東通南海西新興南新會北高要舊為獠浪賊出入之**  
**路設太平巡檢司**

**都合海口營** 在縣東四十里清溪甲近 **長圳營** 在縣東

羅格阮埔二甲扶麗蘇塘等村近 **劬塘營** 在縣治西四

大河舊設打手駕防海賊鹽賦 **赤水巡營** **藥巡營** 皆在縣南三

弓兵鄉夫防守 **古道巡營** 在縣北高要范 **雞籠巡營** 在縣南三十里赤

**舊要守志** **卷四** **輿地** **關隘** **三十五**

張佐布建赤麻逕在縣南三十里新會賊往來門戶諺云

大下逕縣西三十五里近雲崗村風凹逕在縣南三十五里近柴塘村石船逕

在縣西南七十里新興西錢窟逕在縣西七十里近高村崗官逕

在縣北五里府城往來之衝

恩平東通新會西通二陽南陽江北新興盜賊之衝舊設恩

平巡檢司今裁

塘宅堡在縣東北一百里長居都防馬岡營在縣東北

德都年設鴻嘴山營在縣西北一百里靜德都獵逕營在縣東北

打手守之樓逕營在縣北九十里靜德都近官路

寧新高諸賊今為豐建屯按縣志云其逕東至蒼步通水洞賊巢南至

鴻嘴山後北至九嶺通老熊石賊巢東北至獨鶴驛由驛西通

新興飛鼠窟界通王三坑賊巢東北至獨鶴驛由驛西通

西坑員嶺賊行要路越此為新興大河界東通立逕驛西通

嶺新興相思圍祠堂營在縣北五十里仕崗都通近化

界賊行要路

**大夾腦營**在縣西南三十里水東都  
**鎮安屯**在縣東南四十里德行都  
**蓮塘頭**

**營**在縣北二十里蓮塘村  
**烏菱塘營**在縣東三十里水

**子運**在縣東南四十里今為白蒙屯按縣志  
**白蒙運營**在縣東南四十里今為白蒙屯按縣志

**夏路**在縣東南四十里今為白蒙屯按縣志  
**龍村北通**那通上崗  
**籬子運**在縣東南二十里東

**十二運**在縣西南那通上崗  
**籬子運**在縣東南二十里東  
**白石**

**運**在縣西南那通上崗  
**瓦巷運**在縣西五十里  
**清**

**路**在縣西南那通上崗  
**黃沙運**在縣西四十里  
**雙穴運**在縣西北四十里

**油運**在縣西北四十里  
**黃竹運**在縣西北六十里  
**老鴉灘**在縣西北六十里

**羊尖雲岫尖山有賊往來要**  
**老鴉灘**在縣西北六十里  
**擒**

**路**在縣西北六十里  
**老鴉灘**在縣西北六十里  
**擒**

**營**在縣西北六十里  
**老鴉灘**在縣西北六十里  
**擒**

**頸**在縣西北六十里  
**老鴉灘**在縣西北六十里  
**擒**

**倉步**在縣東北一百一十里東至河坪營新舍界南至合

肇慶府志卷四

縣志

二十六

至那假關緯至枕頭  
賊營今為開平屯  
塞喉逕在縣東北七十里由赤珠

縣界  
羊逕在縣東北八十里由火燈  
火燈逕在縣東北九十里

里由火燈逕入出  
竹子坪在縣西南水東二箇西通雨

運為新會社邊界  
勸牢在縣西六十里東西大  
金雞頭巢在縣東

里東至新寧赤雞旁  
石井營在縣北通新會獲崗按舊志云恩平用

武之地其逕道巢疊昔皆盜賊經由屯聚不可以安而忘  
忘亂也  
牛屎營在縣北通新會獲崗按舊志云恩平用

水囊凹營在縣北通新會獲崗按舊志云恩平用  
潭流營在縣北通新會獲崗按舊志云恩平用

水邊營在縣北通新會獲崗按舊志云恩平用  
廟子營在縣北通新會獲崗按舊志云恩平用

來逕營在縣北通新會獲崗按舊志云恩平用  
田心營在縣北通新會獲崗按舊志云恩平用

石營在縣北通新會獲崗按舊志云恩平用  
雞啼營在縣北通新會獲崗按舊志云恩平用

逕營在縣北通新會獲崗按舊志云恩平用  
簸箕營在縣北通新會獲崗按舊志云恩平用

廣寧東通清遠西通懷集南四會北連山設扶溪巡檢司  
獨鶴營在縣北通新會獲崗按舊志云恩平用

黃沙營

去縣一百二十里名南緩營在永義都二十里至清遠白芒鸞叫石吹諸崗當大羅山之巔城各崗

賊出入山此四

企岡營

去縣二百八十里防守顧水一帶營後有清遠石砍岡地最險要三十里

接花

山營

去縣一百八十里防守顧水一帶營後有螺殼大賊巢俱是搖獵外懷集縣界此營

孤絕無

得勝營

去縣二百里分守森崗北路二十里接連壞集務本寧崗并開建水細龍塘金

雞等賊巢南十里德慶州

右竈營

在縣東北

黃桐營

在縣東北

峽逕營

在縣東北太平都未立廣寧前屬四會

中軍營

在演武場

前山征大羅山時營此

官埠水哨

私鹽

塘角砦

逍遙砦

扶

溪砦

德慶東通連山高要西通封川北懷集南大江通羅定徭昔

盤據為害設巡檢司三今存一悅城司

平封營

在州西八十里都城鄉近大江上崗設打手守防

麻地營

在州西九十里都城鄉萬

尚

大塘營

在州西八十里都城鄉十五都

西灣營

在州西十里近大江

沿頭

埠在州北岸近大江綠水營在州北岸近大江大小澗埠

在州東岸近大江冷水埠在州北岸近大江野芋埠在州西岸

在州北岸龍目埠在州北岸近大江辣頭埠在州東岸

在州北岸下埔埠在州北岸近大江思麻埠在州東岸

蓬遠埠在州北岸近大江媳婦頂埠在州東岸大

塘埠在州北岸近大江降水埠在州北岸近大江連

湖埠在州東岸近大江倫埔營在州北岸近大江木碓營在州東岸

在州北岸三洲營在州北岸大樹營在州北岸

在州北岸龍目營在州北岸田心營在州北岸雷公

埔營在州北岸大河營在州北岸靖鑾營在州北岸

下青榕營在州北岸下封門營在州北岸七把連營

在州北岸麻墟營在州北岸赤土營在州北岸上

在州北岸去北岸營在州北岸去北岸營在州北岸

封門營去北岸營六十五里甘塘營去北岸營七十五里幕前哨去北岸營八十里

里羅孔營去北岸營九十里思逕營去北岸營一十五里一名茨逕水

碓營去北岸營一百五十里馬地營去北岸營一百六十五里

封川東通德慶西蒼梧北開建南大江通西崙設巡司曰文

德司

按舊軍門志云麒麟白馬二山賊嘉靖二十四年剿

盡無復邊患營堡俱廢

羅崗營在脩泰鄉迪田營在文德鄉迪田村西河營在文德鄉西河

廣西流賊出江上二營菊花營在脩泰鄉菊花嶺原靖

安營在城後明隆慶間朱成武以賊二次從東北曠地梯

賊直宿守南龍營在文德鄉鑼鼓營在文德鄉三了逕在文德鄉埔彪

逕在文德鄉相思大逕在德寧鄉烏泰逕在文德鄉羅

峯要守志卷四輿地關隘二十八



黑逕 俱德寧鄉要路 存塘逕 俱德寧鄉要路 都逢逕 俱德寧鄉要路 老鴉逕 俱德寧鄉要路

猿嶺逕 在文德鄉要路 南龍營 去縣一百二十里

開建東通懷集西蒼梧北賀縣南封川設古今巡簡司 今裁

會珠營 在縣北六十里四都防懷集金 萬保營 在縣北四十里

四都防賀縣深坑懷集牛欄羊 獨住營 在縣北三十里

橋銅鐘古滅諸山城一名飯包 潭霜營 在縣北六十里 教場營 在縣北七

源諸山城一名獨樹 白蓮營 在縣北七十里 大灣營 在縣北七十里 總旗

營在縣北六十里 舊東營 在縣北六十里 鎗杆峯埃 在白蓮 龍

堂中軍營 小水營一名

何湛泉曰肇慶自秦迄明無日不備兵也海警或數十年一

告而猺獞之竊發無時則防山視防海較難嘉隆以前各邑

咸苦猺而德慶瀧水之間為尤甚然所謂兵防者官不過衛

所成不過班軍鄉落要區亦止云弓兵打手及民壯耳今徭  
旣輯矣卽未入編戶者亦散處荒谷間謂宜歸成就農舉兵  
革而銷鑄之乃者烽火晝明東呼西應肱篋未已因而焚廬  
舍騷閭逼城市邈彼海隅迄無寧宇腹背皆敵水陸無據  
盜愈多兵愈增餉愈急民愈窮甚者雛牡糞艘溪腰山隙悉  
阻索而稱餉兵焉今日之患殆十倍於徭矣且也屯糧不給  
兵亦可盜統領無權計將安出愚謂責軍政難計朝夕也責  
募兵難計永久也夫亦聯絡散處之營兵塘報嚴則聲息易  
通申明地方之保甲良惡判則垢疾難藏慎重官兵之去留  
將權一則目兵自凜然後清屯養軍司捕之墨者誅之罹獄  
之寃者反之徵權之煩者省之則亦庶乎其可耳

俱吳志

江防附

區簡臣曰自德慶州上至都城爲上江下至楊柳埠爲下江凡二百里隔岸爲南江明季羅旁未平江防最急按通志有打手六百人戰船二十隻哨船二十隻以防猺上江守各埔口船一十九隻巡哨船二隻下江守各埔口船四十九隻巡哨船三隻又云上江埠九下江埠二十五大都每埠二船每船打手二十人上下江防提調指揮各一人巡哨千百戶各一人萬厯中猺平以龍水爲羅定州設東安西寧兩縣舊所謂南江者屬東西兩山官兵戍守肇慶府屬則自楊柳埠上至賀縣江口爲上江下至郡城迨貝水青岐抵大路峽爲下江戍守則自蒼梧雙魚石界起至都城巡簡司撥封川縣民壯弓兵守之都城至德慶州官軍守之德慶州至靖蠻營復自靖蠻營至新村驛北岸營兵分四哨守之北岸中軍營則

把總住劄以遙制各埠焉自新村驛至白沙上班軍及遊擊府右遊哨巡守自白沙至郡城抵黃江墟羚羊峽遊擊府左遊哨巡守萬厯九年始設標下水哨把總二人二十七年又掣北岸營兵益之專用巡守峽下江以北曰峽口埠曰長利埠曰永安埠曰貝水埠凡四埠接青岐水口爲三水縣界江以南曰石碑埠曰北埠曰長洲埠曰石洲埠曰白沙埠曰靈龜埠曰洲尾官渡埠凡七埠抵南海縣界各埠營房俱建于墟外無稅官地其廣寧水由四會達南津巡簡司設有遊正二哨守黃岡營及青岐上水口之雙對岡郡城南岸新江一帶則設有車田金雞二營崇正三年督府王尊德改花牌船爲遊奕另設把總一員哨官二人統兵往來邏緝此前代江防大畧也 國朝江介肅清鯨鯢歛跡東西河道專責水師

先設參將一員統兵一千名專司巡守康熙八年裁兵五百名改爲城守右營上下水凡一十八汛詳見營制

海防

區簡臣曰肇慶府惟陽江一縣南濱大洋倭寇乘風出沒不知所在故防海無時明初陽江海煎雙魚三所各設備倭官一員每年汛期各帶本所旗軍駕船汎海剗泊海陵青州咸船澳等處自清明前三日起至大暑前一日止謂之春汎自霜降前一日起至小寒前一日止謂之冬汎又每年調東筦烏艚船十隻赴咸船澳乘駕雷州神電寧川錦囊等衛所官軍協守嘉靖二十七年免調烏艚井掣各衛所軍官三十五年復掣三所汎守於是海酋朱良寶林道乾鄭大漢等焚劫海陵北津地方萬厯元年撫民許恩攻殺鄭大漢率衆來降

乃處之北津使禦海口二年倭陷雙魚三年以許恩哨邏海上統銳兵六百名艚船四十餘隻四年設北津水寨船七十  
四隻每年調集省河修理官兵共二千二百七十名修船時  
各兵放班以正二七八九十二月爲收汎以三四五六七十  
一月爲出汎所分汎地東至茫洲上下川與廣海寨會哨西  
至吳川限門山與白鴿寨會哨又以海濶分爲三哨總兵戚繼光改  
爲五中哨泊於碶船澳豐頭澳左哨泊於寨門右哨泊於電  
白縣之蓮頭澳欽除把總領之此前代海防大畧也 國朝  
懲明季之失嚴邊海之禁自康熙二年遷界以後西自蓮頭  
角東抵茫洲綿延六百餘里業已海波不揚復設春江副將  
駐劄陽江專司海防十一年總督金光祖巡撫劉秉權軫念  
邊疆綢繆未雨特命修築北津雙魚海朗諸險要銃臺斥堠

屹然一新鹽海一帶行見萬年清晏矣

重見康熙府志

海陵巡司在縣西南一百里明正統七年置今因之舊為海陵砦宋史地理志陽江縣有海陵海口博腊遂訓四砦舊志故海陵砦在海陵山西北雙魚所在縣西南一百三十里明洪武二十七年築城崇正二年置銃臺併築小城設兵戍守又海萌所在縣東南五十里海萌山上臨海洪武二十七年築城本朝順治十八年裁併雙魚所北津寨在縣南三十里北津山西麓舊有望海亭明萬曆四年於此置水寨十四年築城周二百二十丈門三為海津險要海防考明初陽江海萌雙魚三所各設備倭官一員每年駕船汎海割泊海陵青洲戩船澳等處春冬二汎嘉靖三十五年撤三所汎守於是海酋朱良寶等焚劫海陵北津地方萬曆初設立北

津著爲重地所分汎地東至新寧茫洲上下川與廣海衛會  
哨西至吳川限門與白鴿寨會哨旣又以海境廣濶分爲三  
哨中哨泊戩船澳左哨泊新寧寨門澳右哨泊電白蓮頭澳  
二十八年以後復畫界爲守以海朗寨官兵分守汎海東自  
廣海衛界娘澳起西至馬牯石止雙魚寨官兵分守汎海東  
自馬牯石起西至蓮頭寨界北額港止而北津寨官兵每至  
汎期則協同出哨戩船澳蓋府境海防惟陽江爲最大清一統志  
豐頭港在城西四十里有砲臺雙魚石角有雙魚所側臨  
大海頗險又西南五里曰簪杯石雙屹大海中雙魚所舟航  
所從出八亦一險要也北額港在城西南一百六十里設  
兵防守雙魚所城在城西南一百三十里舊志百五十里  
誤與圖水師陽江鎮標右營千總駐劄所縣冊肇慶爲郡北



展萬山南傳於海而陽江縣則當大海之濱北津其要害也  
所則海萌雙魚相去三百里砦則南頭白鴿門相去一千二  
百四十里而北津居其中八縣僅三十里近矣故歲調東莞  
戈船發神電陽江雙魚海萌尺籍戍戩船澳爲北津外藩嘉  
靖三十五年撤戍自此盜賊如履堂房萬厯元年許恩殺鄭  
大漢以降居之北津保界四年督府凌公請以兵備北津之  
闕其年戈船七十有四戍卒二千二百七十分三軍許恩領  
中軍六年許恩謝其黨置田宅居縣城西偏爲編氓其黨亦  
散處北津無寨如故初許恩旣居北津則其屬合沙土築城  
自守池其外雖金湯不過也恩去陂牂牧其上日圯十四年  
春珠池之役海上戒嚴郡丞方公職防海視師北津四顧躊  
躇欲砦之請於兵憲王公屬秋暮王公行縣至北津觀許恩

城曰朝廷待恩不死故恩爲朝廷城今避居遜我奈何棄之  
且恩自營免窟不萬全豈肯已哉因之便於是方公圖上方  
畧因恩之舊亦蜃而築之明葉春及新築北津寨記陽江鎮標左營千總  
駐劄所 縣屬砲臺五曰石覺北津後山北額新舊二又大  
澳砲樓一縣陽江口有海陵砲臺宋訪冊

輿地 十三 水利

高要縣

景福園東西南三面臨江北依山周三千八百丈

舊縣志作蓮塘隄四

千八百丈水磯隄護田三百九十頃八十八畝寶二曰躍龍

水出大江曰水磯水出後瀝水

盆塘園在城東三十里水磯隄下南依峽山周千六十三丈

六尺護田十八頃十畝寶二曰盆塘曰白塘水俱出後瀝水

大灣園在城西隔江二十里

舊縣志作西南十里

東臨大江西南北環

山長千七百五十丈護田五百九頃七十餘畝寶一曰大灣

水出大江

上南岸園在城南隔江東北臨江西南多山周九百九十二

丈護田四十五頃許寶二曰黃塘水出大江曰清灣水出新

江

銀江園在城南隔江三十里周三千三百九十六丈五尺

舊縣

志作三千七百餘丈

護田五百餘頃寶五曰上油麻曰下油麻曰大將

曰魚梁曰河粉水俱出新江

白猪園在城南隔江四十里西北依山周千九百十二丈護田四十四頃四十九畝許寶四曰泥塘曰旁觀曰黃村曰蒲基水俱出新江

大欖園在城東南隔江十里西倚山南界宋崇水北臨大江周二千二百八十七丈護田七十七頃二十畝許寶一曰大欖水出宋崇水西偏舊有小寶曰禾仙蓄洩山水近以形家言闕不復開

思霖園在城東南隔江十五里西與大欖園接東南界宋崇

水北臨大江周千二百十三丈護田二十餘頃竇一曰思霖

水出宋崇水

已上八園典史管內

迪塘園在城東四十里

舊縣志作五十里

北依山南臨大江西界後

瀝水東繞寧塘水周二千五百三十六丈護田七十九頃五

十六畝竇一曰迪塘水出寧塘水

陳塘園在城東五十里

舊縣志作六十里

北依山西界寧塘水南臨

大江東繞長利水東南接鴨塘園周四千一百二十八丈八

尺

舊縣志作塘步隄一千三百餘丈

護田百有五頃八十八畝竇二曰大有

水出寧塘水曰廣利水出大江

鴨塘園在城東五十八里界陳塘園之東南南臨大江東抵

長利水周八百九十一丈五尺護田五頃三十九畝許竇二

曰南竇水出大江曰北竇水出長利水

長利園在城東六十里舊縣志作七十里南臨大江西帶長利水北

界院主園東繞橫查水周二千九百八十五丈六尺舊縣志作三千

七百護田五十三頃七十一畝許寶二曰北寶水出橫查水

曰南寶舊出赤頂園今淤院主園在城東六十里西北依山

南界長利園東界豐樂園周千一百十九丈護田四十四頃

五十八畝寶一曰巖前水出橫查水

赤頂園在城東六十五里南臨大江西北界長利園東為橫

查水長八百五十餘丈護田八頃三十五畝許寶一曰赤頂

水出橫查水

豐樂園在城東七十里舊縣志作八十里隄跨三縣界東北連四會

縣多山東接三水縣南臨大江屬高要者六千二百二十四

丈舊縣志作橫查隄一萬一百丈田九百一十三頃許寶五曰長豐水出橫

查水曰永安曰波羅曰貝水雙竇曰新竇水俱出大江

頭溪圍在城東隔江五十里

舊縣志作四十里

北臨大江西南依爛

柯山周四千七百八十丈護田三百九十頃許竇三曰石洲

曰典水南竇曰典水北竇水俱出大江

香山圍在城東隔江八十里東北臨江西南依山東接金西

園周八百七十五丈護田二十頃六十餘畝竇二曰東岡曰

香山水俱出大江

已上九圍橫查巡檢管內

金西圍在城東南隔江九十里

舊縣志作百里

西南北環山東臨大

江南通復源水周三十九百餘丈

舊縣志作一萬三千餘丈

護田七百七

十二頃許竇四曰小洲水出大江曰龍村尾竇曰羅落岡東

竇曰羅落岡西竇水俱出復源水

金東圍在城東南隔江一百三里

舊縣志作九十里

東北臨江西界

復源水南接要古園周四千二百七十九丈三尺

舊縣志作六千一十

丈護田一百三十餘頃寶二曰王宣曰小龍水俱出大江

竹洞園在城東南百十五里西南依山西接金西園東北界

復源水周一千四百餘丈護田六十二頃八十一畝寶八曰

大臈曰欖坑曰園仔曰湓涌曰竹洞曰牙濬曰山斗曰春霖

水俱出復源水

要古園在城東南百一十里西南界復源水東北接金東園

周千四百五十八丈五尺護田十四頃三十五畝寶二曰上

塆曰下塆水俱出復源水

下南岸園在城東南隔江百十五里南依山西北接竹洞園

周一千四十餘丈

舊縣志作四千七百八十八丈

護田百七十餘頃寶三曰

蟠龍曰金洲曰黎涌水俱出復源水



白石園在城東南隔江百二十里西北依山東臨大江周三百九十二丈護田二十三頃許寶一曰官稅水出北港

羅秀園在城東南隔江百二十五里南接泰和園東臨大江西北界北港水周九百十二丈

舊縣志作三千一百丈

寶二曰羅秀曰

竹漏水俱出大江

泰和園在城東南隔江百三十里東北接羅秀園西北界北港水南抵高明倉步水東北為南蓬山繞官棠水周九千五

百三十二丈

舊縣志作羅岸隄一千二百丈榕村隄三千丈橫桐隄一千六百丈大演隄入千丈

寶十

三曰新寶曰留村曰石潭水俱出北港水曰橫桐曰富勺曰

涌尾曰南岸曰大演曰大岸水俱出倉步水曰田子曰開裏

曰官寶曰黃涌水俱出官棠水

已上九園縣丞管內俱高要新志

隄工

宋至道二年鄉人彭達甫等築欖江隄按今日長利園羅隱孫等築

羅岸隄開墩滬小陌二竇譚源輔等築橫桐隄今並在泰和園內其

年築金西隄咸淳八年鄉人陸源等築大演隄今在泰和園內

元至正元年鄉人杜必昌等築金溪隄今日金東園二年鄉人植

成等築塘步隄今日陳塘園十二年鄉人鄧源遠等築栢樹隄今日

下南岸園劉平昆等築榕村隄今在泰和園內十五年鄉人徐文瑞等築

羅鬱隄今日羅秀園

明洪武初知府王全築水磯隄今在景福園內十六年鄉人李儒傑

等增築蓮塘隄今在景福園內十九年鄉人何志可等築頭溪隄

二十七年鄉人黃阿思等築橫查隄今在豐樂園內三十一年鄉人

聶敬昌等築大灣隄永樂三年鄉人莫以信等築新江隄

今日銀江園宣德間知府王營督民增築水磯隄正統四年王

營與通判王傑督民修新江決隄鑿石於五寶及湍險處

天順間迪村隄決知府黃瑜督民修復 成化五年黃瑜督

民修豐樂隄 黃瑜修水磯隄 宏治間同知張吉督民修

豐樂隄作石寶二 嘉靖十九年水磯寶決知府袁載知縣

陳豫章督民修復 二十八年通判甯元伯修蓮塘隄及下

蒙基謝家基各藝以石俱縣志萬厯九年王治應知府王泮鑿

躍龍寶導瀝水南入江鑿騰蛟寶濬北港入高明倉步水王泮

記畧端水國也南為大江即牂牁之水源出夜郎北日後憑

東北諸水注之春夏滿潦下田為汙余既蒞端乃採羣議鑿

渠南注于江築隄度梁以時蓄洩命曰躍龍已竣事矣北港

者非牂支流也界要明之交平時廣衍土民濱港而廬者無

慮數千百家港口日練濬地稍亢秋冬安流則南通倉步復

迤東抵三洲都舍與大江合紆回幾二百里勝圉至正間沿

江為堤以防西潦久之填闕居民稍稍為塘日規月築水益

無所受而凌雲白露諸山水滿悍數為敗壓土田害滋甚民

築其費凡七百緡發帑釀金獨港稅而償其面命圩長潘故  
道分官董之數月以寶告成名之日騰蛟自是啟閉以時雨  
則分洩內潦旱則引潮溉浸數萬畝窪亢之田悉為膏腴渠  
皆可行舟余慮歲久後墮費難卒辦乃謀之嗣守鄭君君素  
勤民覈港口上下魚苗十一埠及梧州二渡輪餉之美與寶  
坦舖租歲獲二十金有奇定額下邑令積貯之為簿正胥役  
費焉真可行之久遠矣余故記之以告後之  
人始工于辛巳年十一月訖于壬午年三月  
**十四年諸隄多**  
**决副使王泮與知府鄭一麟知縣蕭九章督民修發帑濟之**  
**遂重建躍龍寶**  
州去海數百里而遙左東粉羊峽去稍緩水自西來逶迤過  
端出峽折而東南入於海漢志所載牂牁之水自西來逶迤過  
下是也每歲春夏雨潦驟至盈縮非可測也候者洪流深刺  
著岸乃善崩崩則鰥鰥之跡削崖剝壤制屢屬城郭故隄  
岸之係民事從來久遠矣歲內戊霪雨大注迨秋尤甚滿  
衍治者月至田間彈為河城不浸三版高要自黃岡蓮塘漕  
灣諸圩岸盡崩花若巨浸民半菽不可得於是觀察積蓄王  
公郡守肖龍鄭公率承倅出次齋宿祈請羣望露居者連風  
宵設浮筏懸布梯敢公署發倉廩勞心焦思不遺餘力故民  
災而不害天變弭焉君子謂其備患也周其禳災也誠其體  
國也勤一舉而三善備矣水既平吳公列狀上言免今年田  
租災所及者遞免各有差顧圩岸未復田疇其容會邑侯蕭

君至王公鄭公首以委之侯受成巡行阡陌勸耒耨勞來諸崩  
圯及敗圯者悉令修砌倚郭近隄經費田畝所受賑其金爲  
等不足則公帑繼之揣厚薄量工作分官董治類林礎石趨  
者孔棘堅崇祀昔有加役始於丙戌年十月竣於丁亥年六  
月凡修三千丈有奇隄內十六年鄭一麟築騰蛟寶外隄一  
田地餘八千畝邑收多云

騰蛟任工者不施片石坏土告隄成

舊縣志鄭一麟記畧

高明填界所爲港至范洲過倉步又過于三洲又過于都舍

入于海一支疏也勝國築隄以防西潦并口港已復堰而泰

魚憲副王公初守端因士民之請開港設賣名曰騰蛟以出

納水萬世之利也第寶雖設北浪坪隘雖開南山之石不能

因隄於外以衛寶關于隄以引江橋于闌以通道常時業議

之矣填闌久故港未能即通港未能即通故堤未能即築堤

未能即築故橋未能即建王公望治豈不孳孳施之有漸固

難且久責也不佞于公何能爲役幸隨騏驥之後策蹇駟以

追趨士民舉前事望予敢不敬諾先之以高明令曾君宗烈

申之以高要合蕭君九章經厯周遵誼乘墟以先畚耜而港

通矣江與湖會于范州靈雲白露之人生平不見水成相與

鵲立兩涯望洋而嘆喜可知也隄橋之役非二百緡不可先

是予以魚步市厘修港成有儲佐以依錢贖鍰若王公羨饒

若士民醵金財用足矣築隄江濱延袤千尺鰲石爲闌隨水

消長而上下其懸若漕渠然闌上爲橋亦曰騰蛟固寶也是

彼也刺史鍾君大威孝廉譚大寧譚邦傑諸生羅魁春杜應

奎憂于三

與地水利三

奎羅黃亨沈會科羅建雙麥大升鍾方羅建軫譚聖教關汝  
屏等皆資襄者而諸生羅建基林楊圩長譚文雄賴文貞身  
任其役始事于戊子  
孟夏凡三月橋成 三十九年諸堤盡決總督張鳴岡知府

江中楠督民修捐俸分給之 四十一年附郭新江兩隄決

知府戴燁督民修復是歲大欖隄決總督張鳴岡捐金修之

四十二年知府戴燁始築騰蛟竇外隄成俱舊志 四十四年

縣許學賢等督修之工之費官六民四舊縣志 區大倫記

區大倫記諸隄多潰總督周嘉謨巡按田生金發帑命通判攝

區西北二江之匯西江遠自夜郎吞百川而東注二郡受之

北江源順嶺合滇澧諸水南下三水南海四會高要高明受之

之其民胥賴隄防以生夏秋江漲入海尚數百里汎濫美溢

載于平陸蓄隄潰防之患所從來矣萬厯庚戌迨辛壬癸甲

乙丙七年無歲不患水無歲不潰防潰而築築而旋潰歲有  
築隄之苦家無半菽之儲至于丙辰潢潰彌甚而民之力盡  
矣原田里宅輪之水府老弱待斃壯者哀鴻雁而思樂土矣  
賴楚中二賢制壑周公待御田公同心急民乃合疏請于朝  
是歲嶺表被災凡六郡廣肇南韶惠潮各屬賑有差復念南  
海高要諸縣受江之委災重民疲隄防之役難以復舉於是

採議邵守下令助築諸潰隄大發帑全命倉水使視隄岸命  
鄉遂築防命邑令長課工作命佐尉董力役厚集人徒隄林  
隄石奮帑之工日以數萬計天人助順江神讓功崇圩峻陴  
視昔堅完今年江水復漲民賴以寧伊誰之賜與督府臺察  
權盛而職專往多養尊自維鮮能動念幽蓀二公奉揚威命  
蕩定山海察吏糾匿既各舉其職顧皇皇民隱是求周公節  
鉞所經登原隄召田夫問歲潦旱饑饘徧勞餉錢田公乘驄  
所過詢問閭里細民米價與所便苦施行之丙辰洪水之後  
穀價驟湧二公協議賑焉乞糴西省為泛舟之役穀價頓減  
逢災不害賑之力也初發帑令下德意創聞民間疑信半信  
者來乞助則數寔如所請與帑金疑者聞乃更信陳乞如信  
者覈寔則又與全民既信上官寔愛我復言工大費決則又  
覈寔皆與全如初余不敏大倫生長江介日從負薪填決之  
後竊嘆二公此舉如慈母之字孩提矣蓋慈母痛念孩提無  
不曲體其所欲乃孩提仰號慈母轉覺需求之無已此是天  
性豈拂人情今二公既為慈母吾民忍自外乎孩提遇有需  
求宜二公之不靳為與也可謂仁矣余習輿人之誦遂次第  
其語垂諸貞珉周公名嘉謨湖廣景陵人田公名生金湖廣  
麻城人是役也廣郡別有紀其在端州則協贊宏議參藩王  
公永寧江公瀾郡守陳公謨同心捍患率屬勤民勞來勸課  
言底可結樞高要縣承檄綜理則還判許君學賢勞勸最多  
分理則四會知縣謝君子詔高明知縣陳君京璧均効勞績  
重役四會主簿王一俞典史張大有高明知縣陳君京璧均効勞績  
題事云役始丙辰十一月竣丁巳二月凡修圩隄三十九圍

頃決口蓋百六十有七補築崩陷三萬八百餘丈費帑金以兩計八千九百有奇皆二公節納所留者云天啟七

年頭溪隄決知縣袁儼督民修復鄉人黃虞龍等鑿橫桐

隄官竇崇正二年知縣張明熙增築附郭隄三年豐樂

隄決張明熙修復四年張明熙重修官竇五年知府陸

鏊及張明熙開新瀝自寶月臺抵七星巖達舊瀝入江俱舊縣志

國朝康熙四十年附郭飛鷺潭隄裂既乃決於黃江墟知縣

景日珍修之醵以石更名景福圍高要新志景日珍厚載祠記辛巳之水漲於五月

十日盛于堂再日而溢時皇華使臣司農凱內閣邵諸貳者

七公暨中丞彭公至自瓊駐節于鎮南樓口口口口口口

不濟天寧寺張及佛座下予方奔走不暇給東西廂民裸泥

來觀日圍且急盡事民事抵塔脚水沒腰出來紫坊口口口

白蓮基崩比至後同民婦老幼呼號震地鼠竄如喪家大視

基卸裂四十餘丈細水浸潤尚可障禱於水神投口口口口

口口口口口口口口口口口口口口口口口口口口口口

築復連潰勢及塔脚南民百貨億萬貲財俱委波臣民永魚

鱉此處傳有水怪口口口口口口口口口口口口口口口口

也毋亦大有不測用鄉民言投石殺刻黑犬禳之告曰予景



日盼秉質直土性生於中岳土官嵩山下來守端土日口口  
 不遺是夜黃江圩決淹塌廬舍二萬一千六百所災田七千  
 九百四十頃口口口口口口口口口口口口口口口口口口  
 於死計大小口口口口口口口口口口口口口口口口口口  
 都設圩長按稅米多寡計分隄工口口口口口口口口口口  
 山脚止此香廟以西也岷東則西廂一自山脚起至仁厚社  
 口口口口口口口口口口口口口口口口口口口口口口口口  
 西關門止二國接之過塔脚至白石社廬口東廂一國接之  
 至漕灣葛枝巷石界止二國接之口口口口口口口口口口口口  
 口口口口口口口口口口口口口口口口口口口口口口口口  
 西村邊塘角止陶山接之至化城下院止漕灣都接之至覃家  
 口口口口口口口口口口口口口口口口口口口口口口口口  
 爲十年定爲景福如岡陵奕世永金湯十字號遇而復始使  
 無苦樂不均在門口口口口口口口口口口口口口口口口口口  
 興作經始於十一月口口口口口口口口口口口口口口口口口口  
 傾者築之薄者塞之初以石不用石八百餘船椿口口口口口口  
 躍躍則水隨之崇臺山巖舊防景福宇唐李北海書爲此邦  
 砲臺安取以名剛義口口口口口口口口口口口口口口口口口口  
 報賽無所衆志矣乎予乃割俸工益以魚苗餉羨成苦千  
 監顏以厚載取土勉水祝觀音菩薩割附近土名楊基飛薦  
 旁上軍屯巷口口口口口口口口口口口口口口口口口口口口

日自張康熙四十一歲次壬午冬月  
雍正五年巡撫

楊文乾疏請高要等五縣隄改築石工椿埽總督阿克敦奏

罷之通志宦績錄阿克敦疏畧臣准撫臣楊文乾移送會

借庫銀修築作何補項另疏具題等因臣查廣東之西江自

廣西梧州府匯左右兩江之水流入肇慶府界至廣州府三

水縣北合南雄韶州連山諸水一由崖門入海一由虎門八

海其沿江之高要高明四會三水南海五縣向有基圍俱係

土工開寶建開以時蓄洩每年于十一月後地方官督率鄉

民按畝分工加卑培薄民不為苦官無所費相安已久今若

改築石工椿埽則費國帑不止數十萬且從來工程斷無一

勞永逸之理工完之後勢必逐年修補耗費無窮以臣愚見

不如仍循舊法若合地方官每歲于農隙之時督率鄉民分

工修補倘遇江水驟漲不時遣員巡查以防衝決如果定心

任事固基即能保固乾隆口年豐樂園決署知縣蕭應植捐

俸督修高要志十八年躍龍寶裂知府吳繩年知縣張甄陶方

顯修之總督楊應琚以下各捐金有差吳志藝文何夢瑤記

西潦大至肇郡城南門築三版附郭景福園躍龍寶開且裂

守令率民夫馳救立泥淖中兩日夜募善沒者十數輩經腰

墜淵塞其隙復竹塞奏緩其勢少定他雨霽水消乃獲保

全要瑤目擊其事州受廣西三江之水近者千里遠者萬

里建瓴而下為鈴羊城所束怒不得洩旁衝橫決附郭一十

三都田廬人畜悉漂沒此圍堤所築也堤舊有寶在後歷道

遠易淤明萬厯中副憲王公泮始鑿斯寶宜洩便提民德之

間鑄梨木厚數寸不待朽腐易乃為激湍所裂堤幾潰涇洞

之微若此于是郡守吳公繩年高要張公甄陶謀俟水涸修

築向例民隱民修念此次工程浩大早禾已損民力不勝且

委任寶總圩長經理不愼不無置新議官任之會制憲楊

公應瑞肇首捐百金為倡觀察彭公端淑暨閭郡眾屬次

第割俸與修縣官董其役張公還去方公顯代鳩工庀材自

實止至堤面砌石七層高二丈八尺長六丈九尺厚八丈三

尺內外如一並月堤小竇一切木石材悉易舊以新崇堅如

昔計用工五千一百餘名費銀六百餘兩經始于是歲之十

月落成于次年之春季聞諸故老西潦前甲戌最劇十圍九

潰嗣是患害頻仍蓋堤防日漸單薄修築力絀所至自總督

孔溫僖公給官銀購石砌築撫軍楊公文乾復疏請卹賑被  
水州縣增高基圍堤址無決壞憂今不費間閭絲粟役興而  
民不知厥  
功偉矣  
四十九年二十五圍盡決鄉人按稅修復 五十  
九年盆塘大灣上南岸銀江白豬大欖思霖迪塘陳塘鴨塘  
長利院主赤頂豐樂頭溪香山金西竹洞南岸白石羅秀泰

和二十二圍決鄉人按稅修復 嘉慶十八年泰和長利香  
山頭溪盆塘白石豐樂院主八圍決知府張純賢知縣申繼  
志申請借給修費有差 二十二年泰和金東白石香山頭  
溪迪塘豐樂銀江白豬院主盆塘十一圍決借帑修之其銀  
分年徵還 二十三年泰和竹洞金西盆塘四圍決鄉人按  
稅修復 道光元年泰和盆塘二圍決鄉人按稅修復 三  
年泰和白石香山陳塘院主盆塘六圍決鄉人按稅修復其  
年今督糧道夏修恕攝知府增高所屬各隄躬自按視給金  
絲期八年遞加至四尺以縣丞孫灃等分督之

俱高要新志

案六灣村與高明連界佳赤塘園有田六頃八十五  
畝許舊志有范州隄在城東百二十里元至正十二  
年築周六千三百四十丈今范州都高要高明錯處

隄當屬高明又縣境有陂十九曰大牛曰大磨曰蒙  
村曰大圃曰九源曰河路曰蘇路曰樟路曰羅路曰  
大崗曰矮岡曰山凹曰蓬袍曰九坑曰陳孔曰羅欖  
曰大陂曰三陂曰底陂舊志已云不知所在存其名  
如此高要志

#### 四會縣

基九涌橋隆伏高路欖岡白泥湖崗塘滙白沙廖山共包田  
三千二百餘頃黃通志

大興園在馬山都明萬歷四十四年夏隄決知縣謝子詔修  
築次年復決知府陳謨請于總督周嘉謨巡按田生金發公  
項五千金大修國朝順治間平南王設馬房于南津之上  
蹂躪已甚於康熙二十一年大水連決數基計數百丈淹沒

縣志  
三  
廬無數知縣陳欲達詳請總督吳捐築

縣志

高路基在大興園內明永樂十一年知縣顏質修築

黃塘園隸埔橋清塘陶塘黃岡上林五舖康熙七年大水冲决知縣馬莪重築九年復决至二十年各鄉合力重修二十七年决二百餘丈知縣陳欲達請發帑修築嘉慶十八年賀水衝决居民修復道光三年隄决邑人修復埔橋基自龍母廟抵大崩頭長二千七百餘丈明永樂十二年築

塘瀝基自窑頭抵鳳翔岡長八百丈明永樂間築

白泥瀝基自黃岡抵黃塘長二千七百五十丈明正德間築俱在黃塘園

黃岡園在黃岡舖明萬厯三十一年築

倉豐園在隆湖都康熙二十三年知縣吳樹臣重築二十六年決百餘丈知縣陳欲達如黃岡圍築之

白沙基在倉豐園內自手爐岡抵龍華寺長一千七百丈明景泰間知縣楊煥率民修築

黃村基在倉豐園內明萬厯十七年決知縣黃應元修築二十一年再決知縣陳一元詳請發帑助修

田下基在白土村肇隆基在高村俱隸倉豐園

姚沙園在貞山都計二千九百餘丈明萬厯三十一年決知縣陳一元修築三十五年復決知縣彭名世重築國朝康熙二十六年決知縣陳欲達一如黃塘倉豐二園築之嘉慶十八年賀水衝決居民修復

湖洞基在姚沙園內自灘基抵湖洞長一千七百餘丈明景

秦開知縣楊煥督民建築

豐樂園在永安村

隆伏基在隆伏都自米塘頭抵火夾園長五千丈明洪武間

鄉民黃珏等築正德間知縣方選重築

欖岡基在隆伏都自東山抵獅子岡長四百丈

社園圍周一千六百七十餘步

廖山基在馬山都自陶冶抵高要麥地界長一千七百七十

丈  
黃岡小園在區村舖連接四岡外近河旁

牛牯基在大甫都廣寧界明萬曆三十三年知縣彭名世重

築俱同上

隄曰大沙縣志



馬鞍圍白鶴圍墩頭圍

舊府志

新興縣

羅馬陂在縣東三十五里廣五十畝源出老香山漑田四十

餘頃

大清一統志

明洪武五年鄉人陳有保築

縣志

觀登陂縣東六十里廣五十畝源出雲石山漑田七十餘頃

一

大清一統志

明洪武三年鄉人梁子斌築

縣志

黃莫陂引天露山水漑田五百餘頃

大清一統志

在縣南三十里

仁豐都明景泰間鄉人梁子斌築

縣志

馬港陂在縣南三十里寬百畝引廬溪水漑田百餘頃

大清一統志

元至正間鄉人陳文廣築源自始雅岡村頭澳陂流抵山

陂塘灌石鼓廟養古岡撻橋陂仔上下印村觀洞含桃八鄉

田畝

阮通志

赤子城陂在城南明正統五年知縣雷晏築溉北路橋亭大園州背井料四鄉田百餘頃源自白蟾坑從西門入城折而北出成化間砌新城填截水道乃於洗河築陂開溝南濠通井斜達北郭隆慶戊辰以陂水界斷地脉又於東方開溝引洗河水自南而東而北合故道溉田如故

縣志

雲區陂在縣北十里延壽都廣十餘畝明洪武間築溉田六十餘頃

縣志

黃通志

社墟陂在縣東南二十里大露賢嶺二水至大河口合流築土陂溉田五百餘頃

大清一統志

馬牯陂縣東南二里鳳翔村

縣志

洗河陂縣東三里

上河陂縣南二里塚村

龍巖陂縣南觀洞益墟旁

西岸洞陂在縣南十餘里

洒落逕口陂縣南二十五里逕口村界

羅蛇陂在扶桂村邊洞陂俱縣東二十里綿村回頭陂縣東  
二十二里綿村土道陂縣東二十四里碧塘村邏天陂縣東  
四十里稔村雲禮壩村心陂俱縣東狗耄陂在喬亭三挺車  
陂在三挺村鴉鵲岡陂在雲洞村俱縣北邏召車陂在都斛  
村布填水圳陂在布填村俱縣東舍村布平陂縣北十里岡  
頭陂縣北四十里桐村

大岡洞陂距城八十里天堂外洞源自羊石山右支水漑白  
樓石塘等村田

洞心陂在天堂外洞水自羊石山中支漑墩邊等村田

馬塘陂在天堂小洞源自羊石左支漑龍馬塘各村田俱距城八十里

大塢陂距城九十里源自馬塘陂漑大塢村田

石步河陂距城八十五里源自陽春蛟岡灌密面大塢等村田

九良陂距城九十里源自蛟岡石步河陂漑饅頭岡雙坑之田俱在天堂外洞

邏院陂源自雲稠漑上黎村田

龍頭陂自邏院陂流下漑第五所村田

筍罩陂源自宙村漑三公廟等處村

潭禹陂源自那康山漑洞心潭禹岡等田

羅甌陂承潭禹陂灌歐村之田俱距城八十里天堂內洞

裏村陂承羅甌陂溉犁岡占城寨等田

龍潭陂溉下潭河各村田俱距城七十里天堂外洞俱同上

鴨魁陂水在縣西南七十里天堂外源自那康三廟徑流合

高公喉水

大清一統志

灌竹垌等處田畝縣志

三廟陂在縣西南八十里灌天堂外洞田

下洞陂在縣東三十里

邏羅陂在縣東三十里

黃布陂在縣十五里灌小南路西岸田十餘頃

鴨口陂在縣東南二十里邏陳村

水母塘在城北十五里下坪村塘寬十五畝四面高山下坪

坵各村田畝全藉此塘灌俱同上

陽春縣

陂五橫牛羅鳳上坑荔枝崗大崗共灌田七百餘頃

黃通志

捕屬陂黃巖灘逕口俱在南堡

縣志

古良司屬陂陂頭陂河口陂大塘陂黃金灘陂俱那旦堡油  
柑河陂龍岡西河堡第一步水陂馬欄陂大圓垌陂合仔陂  
南山陂長田垌陂田心陂斜仔陂藍青陂茅坪陂俱鳳南堡  
沈龍陂石龍陂石牙陂角塘陂俱三甲堡繪仔灘陂葫頭陂  
茶寮陂思茅葫陂大陂頭陂殺豬步陂俱六甲堡大葫坡陂  
蒲紹高車陂藤沙葫陂新村陂大陳垌頭陂消河陂石埭陂  
黃石陂俱七甲堡石灣陂沙尾陂大陂陂犁頭步陂回龍宮  
陂石門陂清湖陂福悠垌陂俱八甲堡大水陂長山陂平山  
陂俱石莖堡大坑陂范屋陂熱水陂東水山陂俱龐垌堡  
黃泥灣司屬陂羅鳳陂橫河陂殷弓陂俱平坦堡河口陂高

岡堡大洞陂逕口陂陂頭陂俱那烏堡涌洞陂山背陂俱青  
山堡井坑陂雲霖堡平山陂蓮塘堡埭塘陂大塘陂俱石望  
堡俱同上

### 陽江縣

沙河水在縣東北

方輿紀要作西北

六十里源出烏石山南流經南

河都居民資以灌溉

大清一統志

大垌陂在喬馬三圖康熙三十八年生員費瀚築厥後土人

醵金同築溉田數百頃

縣志

洞頭河陂歲春耕戶壘石共築蓄水灌田土名良陂勒竹坑

虎頭垌

青礪斜陂在雁村都縣陽垌土人捐工築塞有公田一坵農

戶輸耕以爲邇年修築之費

北城隍在金鷄廟前

麻濛隄在城西南明正德八年叅政黃顥築蓄水護城嘉靖

二十五年知縣吳煥章砌石萬厯八年再築

辣達隄在縣西南四十里高七尺長五十丈外障海水溉田

五十餘頃

北宿隄近辣達基始於宋明洪武初邑人關文彬等重修溉

田十五頃俱同上

潭流陂灌田數頃黃通志

洗脚陂在縣東南二里源出大荒山灌田數百頃縣志

那龍陂西岸陂頓鉢陂造性陂安樂陂沙塢陂三鋪陂蚺蛇

陂崩口陂三合陂車田陂端逢陂吳志

高明縣



峽口暗竇水舊志在田心都水自石竇流出四十餘里灌漑

一方田畝今考卽龍洞水也

吳志

大沙隄縣東十里形如懸膽西北受香山潦西南受阜幕黃

沙潦東受西北二江潦元至正間築周四千七百九十六丈

包上倉清泰楊梅羅塘田心五都田

大清一統志

明永樂十七年

隄長鄧德達按田歛貲買石砌竇宣德間又開竇二穴國

朝康熙二十六年四月雨潦大注基崩十一所四圍傾卸無

數民幾盡竄知縣于學親巡視安民詳請發帑修竇乾隆四

十四年四十九年五十九年俱決知縣俱詳請賑恤修竣

縣志

石頭廟隄治南二十里卽大沙隄分一截以爲此隄清泰都

鄉民杜惟德集衆創築高一丈長八百九十丈捍田三十餘

頃前被黃沙皂幕二水衝決知縣陳坡親督補築近因沙基

多不禦水潦每崩基則水盡倒下大沙圍浸沒田禾而大沙圍之受水患最害者則此基之崩決難堪也

同上

陶築上下二隄治東十里元至正間太平二都鄉民築高一丈二尺週一千二百餘丈石竇二穴捍田四十餘頃常有崩卸屢經修築

停步隄縣東十五里明成化中築周千七百餘丈捍田六十餘頃

大清一統志

石竇二穴嘉靖間崩旋築復

國朝康熙二十

六年乾隆四十四年四十九年五十九年皆被水冲崩知縣

俱旋修築嘉慶二年五月又決隨築復

縣志

小零隄縣東三十里元至正中范洲古壩二鄉民築周九百

餘丈捍田八十餘頃

大清一統志

白鶴隄在縣東四十里周千八百餘丈捍田七十餘頃

同上

嘉靖間決萬厯間督院許公等以墟隄低薄發銀修築崇正  
間照稅起科修築 國朝嘉慶四年決大塘村基村民請願  
捐田移築一百餘丈濶六丈五尺

縣志

石奇隄一名秀麗隄亦縣東四十里元至正中清溪羅格阮  
垆等都民築分上下二圍周二千五百餘丈捍田三百六十  
餘頃

大清一統志

大石竇六穴引水灌田二穴疏通水利明時以

厯年衝去圍外沙田及邇年築圍挖土成湖水中所產魚苗  
利爲整隄費用至萬厯間隄基漸低督府周嘉謨等發帑修  
築完固 國朝乾隆間屢決亦旋修復

縣志

南岸隄治東三十里元至正間鄉人築周五百餘丈石竇穴  
三捍田三十一頃

佻州隄治東三十里周二百餘丈捍田一十二頃

企山隄治東三十五里周三百餘丈捍田二十餘頃

菰菱隄治東三十五里周七百二十丈捍田百十五頃

綠蔥隄治東三十五里捍田七頃同菰菱隄實洩水

蛤菜烏石鮎埔三隄相連周五百餘丈石竇三捍田三十餘頃

東坑隄縣東二十里原名大岸隄周八百餘丈捍田二十餘頃俱元至正間鄉民創築 國朝康熙二十六年大決知縣于學詳請發帑修築

鐵冊隄治東三十里周百餘丈捍田十五頃

倫埔隄治東四十里周五百餘丈捍田五十餘頃亦元至正間鄉民築

佛凹隄治東南二十五里三洲圍內十三村屢被水患明崇

正十年合衆築塞佛凹基潦患遂絕 國朝乾隆四十四年

被潦冲决知縣于煌修復

梅子岡隄在羅塘田心二都元至正間鄉民創築周二百餘

丈捍田二十餘頃內通倫埭鐵册坭潘等處

俱同上

羅塘陂在縣東南楊梅都明永樂間鄉民築鑿石爲圳水流

二十里灌田一百五十餘頃

大清一統志

後决知縣陳坡築復

縣志

金釵陂亦楊梅都相傳隋馮家白氏捐金釵剏築故名溉田數十頃

茅岡陂在清泰都溉田二十餘頃

橋頭岡陂在羅塘都溉田十餘頃俱明洪武間鄉民築

墳前陂在大幕都溉田五頃

石陂大陂在黃村都各溉田十餘頃俱元至正間築

石嘴陂在歌樂村灌田十餘頃康熙二十六年被水決陷  
大逕陂下逕陂俱在崇步都明洪武間築各溉田十餘頃  
唐際村頭陂茅村風平陂大幕黃田陂各溉田十餘頃茅村  
李林陂溉田數頃俱在大幕都明洪武間鄉人築  
波泔村前風車總陂在大幕都元至正間築溉田十餘頃  
遊魚陂大陂俱在清一圖明嘉靖間築

山村陂溉田五十餘頃荔枝陂鑿石爲竇引水溉田俱在田  
心二圖明嘉靖間鄉民築

金城塘在田心三圖倫垌村前

雲巖陂在文儲一都元至正間版村鄉民築溉田數頃

軌田陂品村總陂羅梅陂岡背陂台洞陂青公陂俱在大幕  
都溉田數頃

瑤村黃邊大陂在小崗都

平塘白墳陂在文儲兩都均資灌漑

吉田烏鷄陂在曰洞魚嶺脚漑田十餘頃

山平白石岡陂在田心一圖澤河禾造陂在文儲二圖各漑田數頃

鶴山逕湓塘古陂灌寶尾事字號田十五頃嘉慶五年修築靈龜陂在范州都康熙四十六年築漑田四十餘頃

羅霖村總陂在大幕都鄉民築灌田數頃

橫基竇陂在上倉都又坑口陂俱灌田數頃

狗坐陂在布社都船洞陂新逕陂又名九曲陂在布社北白

岡陂邊洞陂在布社東

黃坪陂合田陂俱在馬鞍都漑田數頃

舵田土桑二陂在羅塘二都共溉田十八頃

坑口上陂鐵鑪庄築灌漑宙字號田數頃

大步陂在羅格村右大步逕口溉崑字號田八百餘頃乾隆

庚寅年有來氓將村內水母湫開墾水源忽絕知縣飭止乃

復利灌漑

蕉坑上下陂係鐵鑪庄上社築溉寅字號田數頃

石龍陂在柰字號溉田三頃

沙岡寨陂竇石嘴白沙鄉民建

古鎮竇石嘴鄉民建

俱同上

恩平縣

潭流水縣北二十五里源自雲岫山南流至聖堂築陂灌田

甚多

大清一統志



曲水園在縣北八十里

縣志

旱坑陂縣東五十里

陂口陂縣南七里

凱岡陂縣北六十里王陂縣北八十里樓逕陂縣北九十里

聖堂陂欖醴陂石羅陂在水東都

新河陂縣西七里寧水陂縣北三十里

龍潭陂在德行都通那龍入海

俱同上

### 廣寧縣

黃蠟坑陂崩坑陂在寺前鋪

縣志

三升坑陂羅鑊口陂在官塘

第九崗陂扶溪崗陂在永義鋪

社岡坑陂第五崗陂扶梨崗陂在拆石鋪

水坑陂黃田陂在程村舖

金溪圳陂小益坑在平舖岡

金場陂羅玫坑在新招舖

新寨坑陂在大圃都

大袁坑陂隔水坑在曲水舖

長窩尾在石澗舖

俱同上

開平縣

清水塘在縣東五里納諸溪之水情深無際又八丫塘縣西

二十五里周十餘里流分八丫深不可測

大清一統志

車陂長靜雙橋二都皆有之蓄水運車升水灌溉

縣志

石涵水在長靜都用土築大隄長五十餘丈以障大河之水隄中砌石礪下用松椿上用方石涵廣二尺六寸高三尺餘

使水不得泛濫下復築陂激水入埭溉田二十餘頃康熙五十年夏洪水冲陷園基淹沒田畝數百頃知縣陳還捐築潮水縣之登名古博平康等都低下之田爲單造穰湖水浸之田爲膏腴亦無旱潦之患俱同上近山則用水車近海則引潮水不藉陂塘郝通志

### 鶴山縣

坡亭大水園卽古勞之大園在坡山村明洪武二十七年鄉人梁文善等赴告工部差官劉永旋修築溉田二百二十三頃縣志

坡亭小水園卽鐵園明洪武二十九年築溉田七頃

越塘圓洲園在古勞都明洪武三十年工部差員興築溉田五十三頃中有小基上越塘下圓洲

招村園卽大埠頭園在古勞都明洪武二十七年築溉田十八頃

麥村小水園卽獨岡園明永樂二年工部差員築溉田六頃  
案以上各陂黃通志載在新會時古勞等都地猶屬新會也今隸鶴山

羅江園溉田二十頃景泰三年葉廣泰捐築

水口園社前園呂福園蜆岡園大洲園長樂園黃村園小香園獻岡園水東園玉橋石硯園玉橋萌園黃寶坑苦草灣園墟嘴園傑洲上下園大郡園修園魚租共一十六埠乾隆十四年邑令張甄陶詳歸古勞大園修築之費

澤沛陂在附城都大岡園宋季林夢良倡築溉田二百餘頃  
永安陂在小官田村溉田數頃

桃洞石渠陂在萊巢村後溉田二頃餘

潭頭古陂在萊巢村西南溉田四頃餘

大凹陂在新化都明洪武二十七年築溉田十八頃

貝泉陂在附城都企圳雍正四年鄉人築溉田百餘畝

關江古陂在鳳朝里後溉田一萬餘畝

橫坑陂在附城十九圖元初梁虎選倡鄉人築

秀陂在附城都大黃坪順治三年築

郭塘陂亦附城都山華村明萬曆三年築溉田七十餘畝

大黃上陂乾隆元年築溉田六十餘畝

雅審坑陂順治二年築溉田三十餘畝俱在附城都

大陂在古造村溉田數十頃

樂利河陂在大官田溉田四十餘頃

長翼陂在祿洞村東南鄉人李行中鑿山穿嶺引日字潭水數里溉田十餘頃

大坑古陂在良耕村右溉田數頃

大陂頭古陂在良耕村左溉田數頃

古坑陂在選田東北灌田數十頃

雅瑤陂在雅瑤村灌田十餘頃

高田古陂在小崑崙山下灌田數十畝

畊民田陂在禾谷嶺村後灌田十餘頃

蘆荻陂在漣廖地名李坵海灌田數十頃

大陂頭在石龍村後灌田四十餘頃

俱同上

德慶州

陂十風料高車黃滑古龍見村羅埗大蓬波花牛渡鎮康共

灌田千餘頃

黃通志

風料陂州北十里廣十餘畝灌田六十餘頃

大清一統志

古龍陂州北五十里廣九十畝溉田二百餘頃

高車陂州北一百三十里廣五十畝溉田百餘頃

俱同上

皆在

金林鄉

州志

黃滑陂州北百四十里廣十五畝溉田八十餘頃

大蓬陂州東北七十里悅城鄉廣七畝灌田二十餘頃

波花陂廣五畝溉田二十餘頃牛渡陂大坑陂俱廣十餘畝

各溉田五十餘頃皆在州東北八九十里悅城鄉

俱同上

封川縣

蟠龍水源出蒼梧留竹山流入界水宛轉如龍蟠明宏治七

年鄉人隄其下流爲塘

方輿紀要

大安陂在羅寨村旱涸無虞

縣志

六祖陂在墟底村

田雷陂在田雷村灌田千餘畝

冬涼陂在雙河村灌田千餘畝

屋顯陂亦曰官陂在屋顯村溉田千餘畝

屋現陂在大地村溉田千餘畝

高陂在歐村

龍陂在滑石村溉田一千一百畝

流色陂在思文村

蓬陋陂在蓬陋村溉田千餘畝

替瀧陂在蘇村巖口陂在登田村玉葉陂在蓮花村水聲陂

在猿嶺俱溉田千餘畝



花鹿陂在石灰河溉田千餘畝

陶家陂在石牛村

俱同上

開建縣

陂十二似龍大洲巖洞圓珠源斛九旭九源姚田南耶大林

小林淡霜共灌田三百三十餘頃

黃通志

水母塘在縣北五里

縣志

廣十餘畝源出鴈山南流五里八

塘又自塘築渠以灌城濠明天順三年浚

大清一統志

官陂在縣北溉田二十頃

縣志

似龍陂在縣東溉田二十頃

大洲陂溉田八頃餘昭埔陂溉田十頃陂頭陂溉田三頃巖

洞陂溉田五頃圓珠陂溉田十頃俱在一都

源斛陂溉田十四頃九旭陂溉田三十餘頃桂陂溉田十頃

九源陂溉田八頃黎水陂溉田八頃餘梅塘陂溉田五十頃俱在二都

野埔陂溉田四十頃餘上漏陂溉田六頃餘石嘴陂溉田三頃沙牛陂溉田六頃餘姚田陂溉田三頃餘鬱埔陂溉田五頃餘勒陂溉田一頃鹿仔陂溉田六頃南耶陂溉田八頃餘熟脚陂溉田六頃餘鴨公陂溉田八頃果活陂溉田九頃餘石教陂溉田六頃餘上羊梯陂溉田百餘頃下羊梯陂溉田四十頃俱在三都

象元陂溉田五頃大林陂溉田十頃小林陂溉田八頃餘社村陂溉田十頃餘上讞山陂溉田四十餘頃下讞山陂溉田四十頃餘談牛陂溉田五頃羅林陂溉田三十頃餘觀陂溉田六頃餘淡霜陂溉田三十頃俱在四都

俱同上

按通志及舊府志所載內高要高明四會鶴山各圍基與今名互有異同丈尺亦多不符緣西水陡發屢致衝決基址時爲分併段落自有短長道光三年糧道夏修恕攝理府事厪心民瘼思患豫防親履各隄勸諭居民按段修築勞以花紅獎賞並刊立章程每於農隙培厚增高爲一勞永逸計居民踴躍從事不數月俱報培築堅固永遠遵行可免水患茲據高要高明四會鶴山具報清冊各圍基段落丈尺竇穴數目備列于左

### 高要縣

金西圍共基三千九百零一丈

橫基角次險基二十五丈

橫石村前險基一十三丈五尺

白廟險基一十八丈

沙岡下險基一十一丈

噉嘴羅落村前次險基二十八丈

雙寶橫基險基五十八丈

寶四

小州寶

龍村尾寶

羅落岡東寶

羅落岡西寶

金東圍共基四千二百二十丈零

尾村社險基三十四丈

麥州次險基一百二十三丈

亞媽潭次險基八十七丈五尺

寶二

王宣寶

小龍寶

竹洞圍共基一千四百丈零

小段次險基四十五丈

橫基險基四十六丈

竇八

山斗竇  
通涌竇

大藏竇  
竹洞竇

春淋竇  
牙豁竇

墮坑竇  
田子竇

要古圍共基一千三百五十丈

上墩嘴次險基四十七丈

橋頭下險基九丈

上塆竇下險基五丈

竇二

上塆竇  
下期竇

上南岸圍共基一千餘丈

小獸月次險基四十三丈

大沙凹險基三十三丈

長坑險基一十五丈

金州竇險基三丈

竇三

黎涌竇

金州竇

蟠龍竇

白石圍共基一千二百餘丈

大頂岡脚次險基三十二丈

榕樹根險基二十丈

鴨仔墟險基四十二丈

竇二

官稅竇

騰蛟竇

羅秀圍共基一千一百九十一丈五尺

準提廟上下次險基六十九丈

沙地廟險基二十二丈六尺

竇二

羅秀竇

竹涌竇

泰和圍共基七千零五十九丈

羅秀間基險基一十八丈

開裡橫水渡頭次險基二十七丈

南岸次險基一百二十三丈

慶州次險基一百零五丈

牛圍險基七丈

鰲圍尾村邊險基一十一丈

寶十三黃通寶 閩裡寶 田子寶 大岸寶 大演寶

南岸寶 湧尾寶 富勾慶州寶 橫棚寶 橫

景福園共基二千五百五十八丈

鵝胸次險基七十丈

來紫坊險基四十三丈

寶二羅龍寶 水基寶

大灣圍共基一千一百四十二丈五尺

鵝窟灣險基三十五丈

龍船塘次險基一百八十五丈

功曹廟險基三十二丈五尺

新塘口險基四十二丈五尺

窰頭灣次險基四十二丈

寶一 大灣寶

下南岸圍共基一千零八十六丈五尺九寸

廟仔次險基一百零二丈

寶二 黃塘寶 清灣寶

銀江圍共基三千六百九十四丈五尺

藕塘次險基六十丈



松江尾次險基一百八十丈零五尺

餅仔岡次險基五十八丈

寶五

羅粉寶

大坊寶

油蔴寶

下油蔴寶

魚溪寶

白豬圍共基一千五百四十三丈二尺

亞公灣次險基七十一丈

寶四

黃孫寶

旁觀寶

坭塘寶

涌基寶

盆塘圍共基一千九百餘丈

後瀝角次險基二十七丈八尺

寶二

盆塘寶

白塘寶

大欖圍共基一千七百丈

大吸次險基二百零五丈

永安次險基三十五丈

寶

一 大欖寶

思霖圍共基一千三百餘丈

赤頂至雞公基險基七十丈零八尺

埔口門首最險基二十丈

域灣次險基八十六丈

赤勘次險基一百二十丈

水邊衆次險基三百五十九丈

盤古廟南基次險基三十丈零九尺

寶

一 思霖寶

以上俱與史經管

頭溪圍共基四千七百三十六丈

文昌閣下次險基十五丈五尺

沙灣潭險基十九丈

石州寶險基十七丈

軍界險基八十丈

村頭潭險基五十二丈

陳家門首次險基四十二丈

鎖江廟前次險基二十二丈

上下烟樓險基三十九丈

花地尾險基六十一丈五尺

上演村旁險基二十一丈

寶三

石州寶

典水南寶

典水北寶

香山圍共基八百七十五丈

上頸險基二十三丈

南灣村前險基八十五丈五尺

石椿砍次險基九十五丈

石排汎下險基一十七丈

寶二 東岡寶 香山寶

迪塘圍共基二千五百一十六丈

白英巷次險基一十丈

牛路仔次險基二十四丈

寶一 迪塘寶

陳塘圍共基四千一百二十八丈七尺

九坑寶頭次險基一十三丈

鷄翼灣次險基一十五丈

新社壇次險基一十六丈

榕樹仔次險基八丈

鵝寮塘次險基一十八丈

寶二 廣利寶 大有寶

鴨塘圍共基四百二十丈

寶二 南寶 北寶

院主圍共基一千三百零六丈三尺

猪仔灣次險基一十五丈

大灣塘角次險基十丈

水鬼怖次險基八丈

社塘角次險基二丈

寶一 院主寶

長利圍共基三百三十八丈

寶一 長利寶

赤頂園共基一千零二十丈

木棉根次險基八丈

寶二上寶 下寶

豐樂園共基六千三百九十丈零九尺

吳家門首次險基一十二丈

大稔汛前次險基八丈

月基潭次險基二十丈

陳勝塘次險基一十三丈

寶五長豐寶 永安寶 波羅寶 貝水雙寶 新寶

四會縣

倉豐大河圍週基共長一千零八十六丈五尺

龍華寺平基長五十丈

徐巷口固基長四十丈

祠堂平基長三十丈

馬巷口固基長九十五丈

寺邊平基長二十三丈

悅源舖平基長三十丈

彭塘平基長三十丈

牆界固基長一百二十丈

三號路固基長六十丈

黃塘頭岡固基長六十丈

譚祠堂平基長九十丈

張園角平基長七十丈

彭園角固基長二百零二丈

陳巷口平基長六十八丈五尺

倉豐小河圍週基共長二千二百三十八丈

和尚岡脚平基長一百七十二丈

濠邊寨平基長八十八丈

彭涌灣頂冲基長二十八丈

竹園平基長一百五十丈

下沙腰固基長四十丈

下寶次險基長五十丈

上沙腰平基長一百九十丈

盤古廟次險基長二百丈

清水灣平基長二百八十丈

上寶至飛鵝豚岡脚平基長一千零四十丈



竇二

馬鞍圍週基共長七百四十一丈

窪頭至黃吸平基長二百四十六丈

吹筒管平基長一百五十三丈五尺

竹園至營岡平基長一百八十丈

竇一

姚沙圍週基共長一千二百七十三丈

孔巷口固基長三百一十四丈

下涌頂冲基長六十五丈

白巷至吳寨上次險基長二百十八丈

張寨平基長一百五十二丈

園頭平基長一百八十五丈

浪下平基長一百八十丈

賓背次險基長五十六丈

山瀝尾平基長二百零三丈

賓

黃塘圍週基共長一千五百二十三丈

廟邊平基長八丈

江巷口平基長二十三丈五尺

四方塘至黎巷平基長一百四十丈

打鋏塘平基長三十丈

蛋家廟頂冲基長一百一十丈

劉寨平基長五十丈

佩進塘次險基長四十丈

龍王寨至龍塘上平基一百三十丈

龍塘平基長一百七十丈

陳寨平基長九十丈

塔岡上固基長一百零一丈五尺

螺塘園築基長七十八丈

吸仔平基長三十丈

車葉次險基長四十三丈

舊吸仔竹園固基長一百零六丈五尺

上下黃涌次險基長二百丈

廟仔背平基長八十三丈

塔岡下平基長三十丈

寨口平基長一十丈

大涌平基長一百三十二丈五尺

橫瀝圍週基共長一百七十八丈

埤頂平基長一百五十丈

廟前頂冲基長二十八丈

黃岡圍週基共長三百七十三丈

企塹固基長六十丈

大扶地固基長七十丈

甯灣平基長四十丈

沙洲巷仔次險基長二十六丈

大路塘至佛仔前次險基長一百二十丈

渡頭固基長一十五丈

新寨固基長八十五丈五尺

呂婆平基長三十五丈五尺

寶背次險基長三十七丈五尺

會園平基長五十丈零五尺

神武塘平基長二十六丈五尺

寶一

白鶴園週基共長四百九十一丈五尺

渡頭固基長三十五丈

上下塘平基長五十八丈

營門口次險基長一百二十丈

灣仔固基長七十丈

藤岡固基長一百七十一丈

黑仔平基長七丈五尺

以上俱與史經管

豐樂園週基共長三千八百三十七丈

界牌平基長六十六丈

塞尾平基長二百七十七丈五尺

何屈平基長四百二十九丈

龍灣平基長二百零四丈五尺

黃田頭險基長四百五十七丈

康公廟平基長一百二十七丈

大沙汛至閘門街平基長九十一丈

閘門上至麻厝倉龍平基長五百一十七丈

麥塘新基長二百一十七丈

舊牛步險基長二百四十丈

陳涌平基長一百五十四丈

羅村頂冲險基長一百八十丈

賣竹平基長一百五十三丈

高沙平基長三百七十五丈

區村寨平基長四十七丈

區村尾至龜江平基長六十丈

賣茶平基長二百四十二丈

大興圍週基共長三千八百五十二丈

營貝平基長一百九十丈

上豐平基長一百八十七丈

大沙寨下平基長一百六十丈

下豐平基長二百九十一丈五尺

蘭仔頭平基長二百四十丈

白石險基長二百一十丈

勒尾平基長一百六十四丈

鑊耳平基長九十五丈

猪母基險基長六十五丈

望樓岡險基長七十丈

魯塘險基長九十五丈五尺

新寶貝險基長一百六十五丈五尺

舊寶平基長四十二丈五尺

牛圍平基長四百四十四丈

碑亭平基長一百六十丈零五尺

馬廠平基長一百四十五丈

日字潭平基長二百一十三丈五尺



沙墩角平基長一百八十四丈五尺  
排流洲平基長二百六十三丈五尺  
龍脊平基長二百二十五丈  
魚罕步險基長二百一十丈  
松岡脚險基長六十丈

實一

隆伏圍週基共長四千四百八十六丈

廟后固基長一百六十二丈五尺

古樓洲險基長五十三丈五尺

大蘭頭平基長一百二十二丈五尺

五灣平基長三百四十七丈五尺

鵝潭平基長六十五丈五尺

水邊塞平基長二百七十五丈五尺

湖尾險基長一百三十七丈五尺

李仔崗平基長一百七十五丈五尺

塘開平基長三百五十一丈

下太公險基長一百三十五丈五尺

石碇平基長六十一丈五尺

石碇寨邊險基長八十一丈

洗繒步平基長一百四十四丈

車陂險基長一百六十二丈五尺

何地次險基長二百九十一丈

橫山角平基長一百五十丈五尺

龍塘平基長四百三十丈

寶口廟后平基長一百五十丈

岳潭平基長一百四十丈

塘基屈平基長二百四十三丈

軍營平基長一百一十丈零五尺

馬巷口平基長一百二十二丈五尺

廟后至黃圳平基長四百七十丈

寶一

墩頭圍週基共長二千九百二十三丈五尺

上山口次險基長八十丈

下山口平基長一百七十丈

沙心平基長一百一十丈

新潭險基長一百一十二丈

井口平基長一百四十一丈

牛上路平基長二百丈

廟岡平基長一百二十丈

寶一

高路圍共基長一千四百零四丈五尺

松岡脚平基長六十丈

寶貝次險基長一百四十四丈五尺

坭閘平基長一百六十丈

鄧地平基長二百八十丈

灣頭平基長二百九十丈

侯公屈平基長四百七十丈

木巷至龍胆塘平固基長二百四十丈

龍胆塘平基長六十丈

寶一

欖岡圍共基長二百零丈

寺邊平基長一十三丈

寶貝平基長四十六丈

橫基平基長一十一丈

寶一

以上俱南津司巡檢經管

高明縣

三洲大圍週基共長二千四百三十七丈

龍母圍基長二百五十七丈

雙寶圍基長三百六十八丈

蛤菜圍平基長七百九十六丈

星房月元  
烏石圍基長一百二十丈

鮎涌圍基長三百七十五丈

菰菱圍基長一百一十一丈

鉄冊圍平基長二百三十丈

寶七

暗珠圍週基共長一百九十八丈

寶下固基長七十七丈

潭心固基長一百一十三丈

寶一

大岸圍週基共長一千三百丈

敬新塘固基長九百三十六丈

大涌口平基長三百六十四丈

寶一

秀麗上圍週基共長三千六百九十六丈

張族基平基長二百七十五丈

石椿坎固基長三百六十丈

蘇村基固基長一千一百一十五丈

阮埔基固基長二百四十五丈

灣肚基固基長一百五十八丈

象珠廟平基長二百九十五丈

新村基固基長七百三十二丈

火蘆岡固基長五百一十六丈

寶三

秀麗中圍週基共長五百七十四丈

聚寶盆基長八十五丈

鎮頭平基長五十四丈

白菓腳平基長五十丈

寶一

西水棚基長三百八十五丈

寶一

秀麗下圍週基共長二千六百二十三丈

長圳基固基長三百二十四丈

牛路口固基長三百八十七丈

靈龜基固基長三百六十四丈

坦尾基固基長三百五十七丈

龍灣基平基長四百三十三丈



官渡基平基長二百八十六丈

游羅廟平基長四百三十七丈

石路基固基長三十五丈

寶二以上俱三洲  
司巡檢經管

俊州圍週基共長九百零一丈

南基平基長一百八十五丈

烏楊根平基長一百二十一丈五尺

吸仔平基長一百七十八丈

星斯根平基長二百一十四丈五尺

北基平基長九十六丈

鰲圍村前次險基長六十七丈五尺

鰲圍海口次險基長三十八丈五尺

竇一

南岸圍週基共長九百二十七丈五尺

南基固基長一百七十四丈

鑊耳灣固基長二百六十五丈

西基固基長二百三十七丈

楊梅海口平基長七十二丈

大窩平基長一百七十九丈

竇一

小陵園週基共長一千五百九十二丈五尺

新面廟平基長五百五十五丈五尺

竇面下平基長四百七十九丈

東基平基長五百五十八丈

寶一

白鶴園週基共長一千六百二十一丈二尺

菜園巷平基長一百八十二丈

寶灣平基長一百六十五丈

北基固基長一千二百七十四丈二尺

寶一

陳等園週基共長四百三十丈零六尺

勘頭壩固基長一百九十三丈

柑樵基固基長二百三十七丈六尺

寶一

大沙上中下三圍週基共長三千九百八十二丈五尺

龍船塘平基長五百二十四丈五尺

瓦窰平基長五百三十一丈

陳屋田平基長五百三十一丈

洗馬潭平基長三百六十九丈五尺

冬瓜園平基長五百四十六丈

馬蹄園平基長五百二十五丈

知州圍平基長三百七十丈

沙岡墟次險基長一百六十丈

石人灣次險基長一百三十二丈

九江圍次險基長一百七十一丈

蘆荻灣次險基長一百七十五丈

寶三

崇步圍週基共長二千一百八十七丈七尺

繪行平基長二百三十六丈

青龍廟平基長一百八十三丈五尺

新塘基平基長二百一十四丈

下岳平基長一百五十九丈

魚尾平基長二百七十四丈五尺

整頭平基長一百七十二丈

沙角平基長三百一十七丈五尺

大涌平基長四百二十三丈

岳灣平基長二百零八丈二尺

寶一

陶築上圍週基共長五百八十七丈二尺

高塘固基長五百四十六丈二尺

天湖潭平基長四十一丈

實一

陶築中圍週基共長七百二十八丈一尺

河口平基長四百五十六丈一尺

橫基平基長二百二十丈

梗板椿次險基長五十二丈

實一

陶築下圍週基共長五百八十九丈

南基平基長一百六十九丈

大椿面平基長二百七十二丈

米步庄次險基長八十三丈

蘆荻灣次險基長六十五丈

寶

一以上俱典史經管

鶴山縣

古勞大小兩河固基共長五千四百零七丈五尺

馬牯屯至太尉廟基長四百零八丈五尺

醫帝廟至元壇廟基長二百四十七丈

威龍廟前平固基長五十九丈五尺

雙耳灣至梗頭最險基長一百六十二丈五尺

元壇廟下孖山至牌坊脚次險基長七百四十一丈五尺

暗寶下至桄樹脚次險基長七百五十五丈五尺

蘇婆上至橫海簫篤次險基長八百五十丈

雙間至小廟平固基長二千一百八十三丈

寶八

天門寶

新寶

司前寶

古帽寶

冲磊寶

橫

打刺寶

崗頭寶

以上俱藥

運司巡檢

經

胡春詩西漸狎而至奔蹄萬馬健土蹴武林碕下衝懸湖捷  
助之以機母陽侯更驕蹇大湖小湘間無數石皆反端人多  
府田且命寄諸暇海湖遐邇圍其勢將盡卷千夫囊泥沙百  
室聚鍾釜皇皇兩晝夜蒼奇各誠惡龍母廟中燭閃閃電照  
眼忙亂殺雞狗不暇覓鱸鯉奇哉誰之功一郡無大猾是時  
東北江注洋不見阪青天響雷雲白浪走蜿蜒禾苗地盡縮  
龜鼉人爲所舫皇鳥道駕箱篋無人相哭聲起中夜其魚麥  
滾滾何期此州完有噓民安望豈真天幸歟基乃磐石穩昔  
來夏英公保赤心惻惻未雨先綢繆既事猶縋繩捐金計永  
久就必高屋建五十有五處相度同原蠟綦隄如築城下輝  
如下鍵馮夷能善攻滴不漏坏棹鄴水渠已成堤豹功何遠  
遂令此方良哉茂樂應蒙今年尤有年家戶作新圖西人止  
絳舟東人實記縣一飽  
老寓公引吮學寒蟬

肇慶府志卷四終

高要周汝珉校字